

12.  
21.

Jehovâ Trinuno Favente,  
DISPUTATIO INAUGURALIS MEDICA  
*De*  
SCORBUTO,

Quam  
*Decreto & auctoritate Perillustris, & Gratiosissimæ  
Facultatis Medicæ,*

SUB PRÆSIDIO

*Viri Amplissimi, Excellentissimi, atq; Experientissimi*

GODOFREDI MOEBII,  
Medicinæ Doctoris, & in Inclyta Salana Professoris  
Publici celeberrimi, Domini & Fautoris  
honorandi,

PRO LICENTIA

*Summos in arte Medica honores, privilegia, ac insignia*

*DOCTORALIA consequendi,*

Publico examini submittit

JACOBUS HABERSTRO, PEGAVIENSIS  
Mifnicus, Wernigerodensium Medicus  
Ordinarius,


*ad diem Augusti*

In auditorio majori, horis consuetis.

---

JENÆ E calcographæo BLASI LOBENSTEIN, ,  
Anno clc lxc XLIV.





V I R O

PL. REVERENDO, AMPLISSIMO,  
CLARISSIMO

DOMINO M. IOHANNI FOR-  
TUMANNO, P. L. ad ædem D. Gregorii &  
Sylvestri apud Wernigerodenses Pastori Primario vi-  
gilantissimo, totius Ministerii comitatus Wernigero-  
dani Seniori, & Inspectori gravissimo, Ave suo  
materno, Domino, & Mœcenati  
colendo,

*in honoris & filialis observantiae  
monumentum*

disputationem hanc inauguralem  
offert

Jacobus Habersth.





Συὺ Θεῶ.



Mnia, quæcunq; in hac rerum universitate contingunt, si contemplemur, certè ubi Natura maximè familiaris, maximè quoque venit admiranda. Videmus hoc in morbis; qui quò sunt vulgatiores, & communiores, eò majori obscuritate, anxios nos reddere, eoq; magis in stuporem rapere solent. Imprimis adparet id ipsum in *Scorbuto* affectu in regionibus septentrionalibus tam decantato, tam familiari, ut rarò morbus iis in locis infestet, qui non *Scorbutum* sibi habeat conjunctum. Hic autem licèt valde sit frequens, æquè tamen omnibus notus non est; sed sæpè oculatissimos Medicos, etiam cum cavisse summò perè visi sunt, decipiat. Tot enim & tam varia in eo oculis obversantia symptomata, in diversa trahunt medicos, statuuntq; in ancipiti, ut is revera verus sit censendus Medicus, omneq; punctum ferat, qui ingressus ad scorbuticum animo nò turbetur, fallaciq; specie, quâ alii finguntur morbi, eludatur: quandoquidem non rarò dubium sit, Medicosne ludificare, an ægrotum divexare magis, consultò, aut quâdam quasi destinatione hic affectus laboreat, quemadmodum *Eugalenus* in *præfatione* dicit. Imò ex hujus ignorantia fit, ut plerique morbi, & præsertim febres quædam apud nos adeò sint diuturnæ, nec ullis Medicorum medicamentis expugnari queant, & sæpè ad unum, duos aut plures perseverent annos, nec nisi cum temporis mutatione in robustis desinant, vel in alium, & deteriorem morbum aliquando commutentur, iisque non rarò debiliores succumbant: *Eugalenus* pag. 379. Et hinc doctiores, quæ sit ejus natura, maximè dissentiant: ita ut quò quis in investigandâ ejus indole plures in consilium adhibeat autores, eò ferè incertior reddatur. *Scorbuti* igitur ge-



nium perscrutaturus, rem difficilē, quidē & obscuram aggreditur ; facilē tamen si quā in re à vero aberrat, apud viros doctos meretur veniā. In luce enim, inquit *Scaliger*, tenui rerum caligamus, in mediocri cœcutimus, in majore cœcimus, in maxima insanimus. Difficultatem tamen hanc non nihil subleuat, insignis usus & jucunditas, quam Medicus animo sciendi cupido præditus, inque septentrionalibus locis praxin exercens ex accuratiore *ποικιλομύθος* hujus affectus cognitione consequitur. Videmus certē quam mirē se Autores interdum torqueant, si fortē symptoma malo huic conjunctum, vel ab eo progenitum ipsis offeratur. Manifesta hæc erunt perlustranti *Cratonis* consilia; unicum ut saltem in medium afferam, *Capivaccium consil.* 26. audiamus, qui causas indagaturus, quare ægroti interdum sese erigentes suffocationis periculum maximamque anhelitus difficultatem incurrant; in lecto verò jacentes melius sese habeant? nescio, quod novum diaphragmatis tuberculū, cujus tamē nulla aderāt indicia fingit: quū si scorbutū cognovisset, rationes alias, & quidē satis manifestas habuisset in promptu. Attendatur etiam quantū se dilacerent, *Mercurialis*, *Mercatus*, & alii de febribus syncopalibus verba facientes, quas tamen febres scorbuticas esse omnia evincunt, quæ de causis ipsarum proferuntur. Quemadmodum verò hi ignorantia culpā hallucinantur: ita quoque non laudandi sunt illi, qui nil nisi scorbutum crepant, omniaque quæ in morbis obferuntur, ad eundem referre non erubescunt. Idcirco quò exactiùs discerem, quantum huic sit tribuendum, placuit de eo, jam cum Dnn. Præceptoribus & amicis conferre, glaciemq; hanc secare, & fungi vice cotis, acutum reddere, quæ ferrum valet, exors ipsa secandi.

Verū quid dicam miserum me agere, & quam ducere  
vitam

Irrequietum animi, & quærentem indagine vana  
Naturam semper fugientem: quæ se ubi paulum  
Ostendit mihi, mox facies in mille repentē  
Ceus Proteus, conversa sequentem eludit, & angit



Mœrentem vanasque horas cassumque laborem?

Incipiam tamen.

Deus hocce meos conatus clementer juvet, & faxit, ut feliciter v. expandam, secundisque subvectus ventis ad tranquillum portum iterum perveniam.

## THESIS I.

Quamvis à plurimis *Scorbutus* pro novo venditetur morbo, veteres tamen haud penitus latuisse videtur, ut patet ex *Hippocrate*, qui lib. de morb. internis 2. prædiction. 2. prognost. magnorum lienū ilei; hæmatitis nomine eundem exprimit: quibus lienes magni, inquit, iis gingivæ vitiantur, & os grave olet. Quibus autem lienes magni sunt, neq; sanguinis eruptiones contingunt, neque os grave olet, in tibiis ii mala ulcera habent, & nigras cicatrices. Illos autem vocabulum idem denotare, liquet ex eo, quod nonnunquam ab *Hippocrate* & *Galeno* 3. Epidem. com. 2. t. 6. Item 3. aphor. 22. Et de symptomatum diff. c. 4. de doloribus hypochondriorum & torminibus dicatur. Nec malè αἰματίτης voce salutatur, quum non tantum vomitu, sed & per alvum, tussim, nares, crura, & alias partes magna copia sanguinem effundant Scorbutici. Non longè etiam à Scorbutico videtur abesse morbus, quem *Galenus* 2. περὶ φύσεως αἰσθητικῶν. definit: Qui in Oeno inquit urgēte fame vescebantur leguminibus, cruribus vacillabant: qui vero erva comedebant, horum genua dolor infestabat: Non incōmodè huc referre possumus, quæ habent *Cælius Siccensis* lib. 3. chron. cor. c. 4. & *Æsculapius* cap. 4. habent: ut & *Aëtius* tit. 3. sen. 3. cap. 7. *Ægineta* lib. 3. cap. 49. *Aresæus* l. 1. ob causis & signis chronicor. cap. 14. *Celsus* lib. 2. cap. 7. *Plinius*, qui cum l. 25. histor. natural. c. 3. Stomacacen. & *Scelo* tyrben vocat: *Macellus* l. de medic. c. 11. ubi Oscedinis nomine indigitat: *Strabo*, qui lib. 16. Geograph. περὶ τῶν νόσων appellat. *Avicenna* lib. 3. fen. 15. tr. 7. cap. 5. Ubi enim eadem causæ, ibi & iidem sunt effectus: at nunquam defuere quibusdam terris aut hominibus causæ scorbutum excitantes, neq; deesse potuerunt. E. Neque quempiam nominum varietas turba-



re debet : quemadmodum enim pilum lupus, non mentem mutat ; sic morbi sæpè nomen, non personam : quæ tamen & ipsa ita sæpenumero & multifariam fucatur , ut nova videri queat.

2. Non solùm enim apud antiquos variis & diversis nominibus dotatus est *Scorbutus* ; sed & apud recentiores , quorum alia ipsi quadrant morbo, alia, & quidem multò plura, solis ipsius symptomatibus : Nomen totius morbi est *Gingipedium* : quæ Nomenclatura *Regneto Sney Medico celebri* tribuitur à *Blienbarchio* in epistolâ ad *Echtium* scriptâ : à gingivis nimirum & pedibus corrupto sanguine infestis : Et hoc nomen, cum signa hujus morbi propria omnium optimè repræsentet, ambabus ulnis excipiendum censet *David Crusius theatr. hermet. l. 2. cap. 4.* *Forestus* autem cum non pedes solum, sed & brachia infici observatum fuerit, etiam *Gingibrachium*, *πυχυτός* *βλω* appellari posse existimat. Symptomatum est communis illa vox *Scorbuti* , quæ ex vernaculis vocibus *Danica*, & *Belgica* *Schorbus* & *Schorbeck* deflexa videtur : quorum illud lancinantis ventris alvini vermina, hoc disruptam, ulceratamque buccam designat : quod utrumque hodierno die in usu est : ut *Salom. Albert. diss. 2. de scorb. th. 1.* innuit : *Belgarum* dialecto audit *Schormund* : quando inficiuntur gingivæ : & *Schorbein* / quando in cruribus morbi appareat : q. d. ruptas tibias. Iisdem & *Blauschunt* dicitur, à blavis, seu glastinis, puniceisque maculis. *Olaus Magnus l. 15. cap. 51. & lib. 9. cap. 38.* putat eum posse nominari *Cachexiam*. Quemadmodum & *Barbari* ad imitationem *Plinii* indigitant *Stomacaxiam* q. *ἑσμάχων* *σάχων*. Aliis appellatur *Saucius* & *ulcerosus venter*, ut vult *Eugalenus* pag. 2.

3. DEFINITUR quod sit *Dispositio prava & occulta* toti corpori, præcipuè tamen visceribus nutritioni dicatis impressa, à sale fixo quidè & in ventriculo minus attenuato, majori etiam copia quam par est, assumpto, peculiariter tamen & specificè corrupto orta : quod reliquo sanguini permistum, cum eodem hinc inde per corpus deferretur, & prout ad hanc vel illam partem propellitur, proq; varia corporum, & humorum reliquorum constitutio-



sione modò hoc modò aliud symptoma & morbum excitat.

4. Primò venit considerandum Genus, quod in accidentibus Formæ locum obtinet. Etsi verò varia & diversa morborum genera in scorbuto appareant, ut inde non immerito arbitrari possit, an ad unum morbi genus reducendus: tamen quia illa sæpè & citra eum conspiciuntur, ejus natura non in tot differentibus specie morbis, & symptomatibus, sed in peculiari aliquo genere constituenda est: quemadmodum idem etiam in Peste, & Lue Gallica videre licet.

5. Quodnam autem illud ipsum sit, maximæ comparent dissensiones: dum alii, ut Ronsæus, scorbutum referunt ad morbos ex magnitudine & intumescentiâ ortos: Alii ad Ictericam nigram: alii aliud quoddam ponunt. Verùm hi animum veritatis avidum non explent: cum hæc non semper in scorbuto conspiciantur. Itaque cum Hippocrate ad τὸν Ἰκτερίον confugere cogimur: dicimusque esse *pravam & occultam dispositionem, seu qualitatem, quæ propriam, sibi peculiarem, & ab aliorum morborum malitiâ specie & forma discrepantem malignitatem acquisivit*: sive ut Platerus loquitur, *Privatum, quoddam venenum*: vel, ut Steeghius: *lentum quoddam virus*.

6. Redarguitur quidem à multis hæc opinio, qui qualitatum occultarum defensores posse reprehendi putant ex Galeno 3. de prælag. puls. c. 5. quod docendo nihil doceant: Verùm quocunque nos vertamus, occulti aliquid subesse, fatendum est. Si enim, quod video velle quosdam, humidus tantum cum paucò sicco conjunctus est humor ille scorbuticus; solisque qualitatibus primis conscribitur: dicatur, cur scorbuti symptomata antiquorum illis remediis ab omnibus probatis non tamen curentur, sed solis antiscorbuticis? Cur itidem illa ipsa symptomata Scorbuto & Lue Gallicæ, pestiq; communia diversam curationem requirant? tàm in multis enim hi morbi conveniunt, ut discernere nequeamus, à quo humore proveniant, nisi artificiosâ conjecturâ. Et certè si nihil aliud est humor scorbuticus, quam humidum cum terreo sicco conjunctum: quid differt ab urinâ & lero? hæc autem semper in corpore præstò sunt: quí fit igitur, quod non  
ubi-



ubique & in omnibus hominibus symptomata scorbutica  
occurrant? Cur etiam in hisce regionibus tantum familia-  
ris adeo scorbutus est, cum tamen talis humor siccus & hu-  
midus etiam in aliarum regionum incolis colligatur.

7. Dum quoque *dispositionem* esse dicimus, separamus  
nos ab iis, qui causam solum morbi esse volunt scorbutum,  
quæ omnia morborum genera excitare potis sit, ex intempe-  
rie, instrumentarios, & ex soluta unitate: Eo quod scorbutus  
omnium eorum formam induat, & antischorbutica tantum ad  
profligandam causam adhibeantur. Licet enim in Scor-  
buto alii morbi adsint, præter illos tamen alia maligna *Alé-  
geis* à causa scorbutica in corpus inducitur, quæ omnium  
eorum primaria, veraque causa est. Fieri nimirum nequit,  
quin vitioso humore in animalis corpore genito, paulatim,  
tractu temporis principalium partium aliqua afficiatur.  
Causa etiam alterans non sentitur in corpore, nisi qualitates  
suas eidem imprimat. Quapropter antischorbutica exhiben-  
tur non tantum, ut materiam scorbuticam expellant, sed &  
ut malignam & specificè corruptam qualitatem corpori im-  
pressam expugnent.

8. Quomodo verò generetur dispositio hæc scorbuti-  
ca, hîc aqua hæret, cum vix unum inter doctos cum altero  
consentire hæc de re videas: Præ cæteris veritati approximât,  
qui generari eandem statuunt, quando id, quod in cibo, &  
potu falsum est, ob multitudinem non concoquitur, nec etiâ  
per anum rejicitur; sed in venas protruditur, ibique noxam  
infert; cum amarum, falsum, acidum vim gerant corporis  
nostri perturbatricem, præsertim si abundant: ideoque nihil  
æquè Scorbutum inducere, quam alimenta plurimo sale re-  
ferta: hinc postea fieri, ut frequenti salforum usu intereanea  
siccescant, indurentur, adeoq; obturentur meatus venarum,  
ac obstruantur: imò etiam justo majorem calorem conci-  
piant, cum sal etiam calefaciat: venis verò obturatis, & cale-  
factis interaneis difficillimè primò quicquid humidi adsu-  
mitur, in vesicam abire aut alvum, sed in primâ corporis re-  
gione, præ calore, ac siccitate vasorum subsistere, & paulatim



restagnare: Constipatis verò & calefactis meatibus humores colligi paulatim, & confluere posse: huncque unum esse feri scorbutici colligendi modum, à quo scorbutica Cachexia nascitur: Et sic humores scorbuticos corpori insinuari putant à lunde & forinsecus. Cum verò interdum in optimâ victus ratione à menstruis, & hæmorrhoidibus suppressis advenisse scorbutum deprehensum sit, imò ardentes febres, quartanas, tertianas sine ullâ culpâ externâ in hunc desuisse: ex colliquatione carnis & humorum ob calorem immodicum fieri non posse dicunt, quin solutis hoc modo partibus concretis præter alia serum etiam acre redundet: & si colliquamenta talia acria non expurgentur, sed in corpore maneant, & contineantur, maximè si in ventrem inferiorem, diffundantur, Scorbuticam cachexiam oriri arbitrantur: simile etiam fieri, si aliàs putridi humores colligantur in prima corporis regione: quando nim. nec per hæmorrhoidas, nec per uterum horum fit expurgatio.

9. Sanè pereruditè hæc sunt excogitata: Excessum enim salis in humoribus scorbuticis plerunque adesse omnia docent. Animadvertatur saltem, quod *Doringius l. i. de medicina & medico pag. 109.* refert, observasse se in quodam scorbutico hæmorrhagiâ narium per intervalla laborante, quod linteamina, quibus sanguis excipiebatur, ab eo ipso corrota fuerint. Non omnium tamen, quæ circa scorbutum contingunt, solida exinde dari potest ratio. Ideo quædam circa hanc sententiam desidero. 1. Non semper obstructio fit in meatibus, nec interanea semper exsiccantur. Si enim interanea semper eo, quo volunt, modo ob salarescerent, calefierentque; calor ille sentiretur: quod tamen non semper fit: quemadmodum aliàs in affectu Hypochondriaco talis circa hypochondria sentitur calor: neq; etiam semper alvus supprimitur, neque urina neque semper puto. Neq; sal hoc subsistere in primis viis, quamvis plerunque hoc fiat: sed nihil impedit, quo minus statim cum reliquo sanguine per venas in totum corpus feratur, ibique corruptionem hanc induat. 2. Si præter hunc generationis modum non peculiare



quid concurreret, sequeretur tales febres colliquativas semper in scorbutum desinere oportere: quod non est, sed sæpè in hydropem, sæpè in quartanos, sæpè in alios mutantur morbos! 3. Nullam etiam exinde dare poterunt rationem, cur non semper hæmorrhoidas, & menses suppressos sequatur scorbutus. 4. Cur etiam symptomata & morbi scorbutici in multis differant à morbis antiquorum? Si enim omnis acrimonia à sale, ut *Chimici* probant; negari nequit, arthritidem antiquorum à falsis humoribus excitari. Quí sit autem, quòd ab arthritide scorbuticà differat? 5. Quòd contagione producat scorbutus, cum tamen alii morbi tartarei & salini, ut hydrops, arthritidis, calculus eadem destituantur? Jam verò contagium peculiaris corruptionis argumentum est. 6. Ubi humor iste visceri alicui similem sibi impressit dispositionem, vix unquam perfectè huic malo medebitur quisquam: quod indicium est longè fortioris impressionis visceribus communicatæ, quàm quæ qualitatibus primis ascribi possit; & fortè non dissimilis ei malignitati, quam venena corporibus imprimunt, quorum impressiones tam fortes sunt, ut dispositiones, & imbecillitates corpori humano ab iis relictæ toto vitæ spacio deleri nequeant.

10. Idcirco licet concedamus, sal fixum in cibis si copiosius misceatur cum sanguine causam esse remotam scorbuti: ut tamen causa proxima fiat, necesse est, ut sal id ipsum in corpore peculiari modo corrumpatur: dicimusque cum *Sennerto de scorbut. cap. 3. in fine*: Dispositionem hanc oriri, cum ventriculus ob vivendi rationem incommodam cibos non benè concoquit, sed una cum laudabili chylo multos tartareos seu salinos vapores in venas gastricas defert, ubi seu sanguini, seu sero soli commiscetur, & cum sit ἀνεπιτήδιον, ἀνεγερτον, καὶ ἰσχυρὸν, ut *Hipp.* nominat, à natura superari, & in bonum sanguinem mutari non potest; sed vel morbos tartareos & salinos generat: vel in partem aliquam rejicitur, ibique calculos procreat: vel denique in hypochondriis subsistit, & variis hypochondriacis affectibus causam præbet, usque dum tandem pravam, contagiosam, & scorbuto specificam dispo-



tionem acquirit. Eodem modo si post hæmorrhoidas, aut menses suppressos humores subsistant: si etiam in febribus discussis partibus humorum tenuibus, sal & tartarum relinquatur, facillè fieri potest, ut sal specificè ita corrumpatur, & scorbutum inducat. Quod si hoc modo sal corruptum est, veneni naturam induit, & in minimâ quantitate magnas vires exercet. Unde si postea per contagium alteri corpori comunicatur, sanguinem licet copioso sale destitutum corrumpere potest. Hinc fit, ut etiam si corpora quædam victu salino non utantur, si tamen infecta sint à scorbutico, eadem symptomata postea patiantur. Et interdum in quorundam scorbuticorum saliva, & humoribus nulla nota est acrimonia, & salis.

II. Ignaviæ quidem notam non effugiemus apud quosdam, qui in caussarum, quæ intellectui nostro per vestigabiles sunt, inquisitione nos deficere inculabunt. Verùm enimvero respondebimus ipsis, etiam temerarii esse, rerum abditissimarum arcana perferutari: & in naturam injurii pro veris occultis falsas manifestas reponere velle: satiusque est, in re obscurâ, ubi nulla vera ex manifestis qualitatibus causa reddi potest, ad occultas qualitates, quæ revera dantur, atque effectibus sese produnt, confugere, quam falsi aliquid asserere, atque effectus alicujus falsam, & effectam causam defendere: Verba sunt *Sennerti instit. med. l. 5. part. 1. sect. 1. cap. 11. pag. 950.*

12. Ex quo satis patet, partem affectam, & πρῶτον δεκτικὸν non esse unum, neque primum solum. Cor partem quidem affectam nemo negabit, qui pulsuum inæqualitates, & langviores, tum virium lapsus, potissimum etiam primo morbi insultu maximos cognoscit. Verùm non modò naturalis actio (quam à vitali non distingvimus cum *Hofmanno lib. 1. de loc. affect. cap. 26.* cum non tam in hepate, quam corde fiat sangvificatio) in scorbutico summopere labefactatur, sed & animalis: quemadmodum id testantur atrocissima animalis facultatis symptomata, spasmus, coma, deliriū &c. Ventriculus tamen, partesque imi ventris per esculenta &



potulenta, accedente quadam malignitate, primò affecta multis rationibus deprehenduntur.

13. Dicimus itaque *subjectum* scorbuti duplex esse: vel enim est locus, in quo generatur colluvies hæc; vel *sedes*, in qua generata continetur. *Subjectum originis* sunt ventriculus, & vasa imi ventris: In his aliquandiu latere potest & subsistere scorbutica illa dispositio, & omne alimentum affluens, sanguinemque corrumpere, atque vitiosa suâ qualitate inficere. Et licet interdum per contagium propagetur scorbutus, ea tamen hujus *πύσματος* est natura, ut statim ad ventriculum & imum ventrem transeat, temperamentum & tonum ejus alteratura omneq; quicquid ingeritur, inquinatura.

14. Non valet autem, quòd quidam dicunt ventriculum non affici semper, eò quod appetitus in multis satis sit validus: Salina enim & acida irritant ventriculum, & appetitum excitant: sicut experientiâ constat, plerunque in iis, qui multo falso & acri humore scatent, appetitum vigere. Licet igitur ventriculi constitutio læsa sit, actionesque reliquæ vel abolitæ, vel depravatæ, vigere tamen fames potest. Nam quamvis appetitus prostratus signum sit ventriculi læsi, integer tamen non statim indicat ejus incolumitatem: quum coctio quidem fieri possit, ob fermentum verò à sale specificè corrupto inquinatum non eo, quo debebat modo, perficiatur. Innuit hoc cum *Sennerto de scorbut. cap. 5. Balthasar Brunner tract. 1. de scorbut.* dum proferunt, appetitum modò dejecti, modò salvum esse in hoc morbo, pro diversâ humorum ad ventriculum protrusorum conditione.

15. Sicut & hoc non probat, Lienem & Hepar quandoque in scorbuticis non inquinata fuisse, quod in dissectione cadaverum quoad calorem & substantiam illæsa apparuerint. Cum enim scorbutica dispositio sit occulta, possunt etiam talia viscera corrumpi, quamvis corruptio ad sensum non appareat. Videmus hoc in aliis morbis occultis, immò etiam in Cholera & Ileo, ubi in dissectis cadaveribus interdum viscera hæc planè salva reperiuntur: cum tamen isti affectus ab humoribus in toto corpore corruptis, & ad ven-



triculum vel intestina protrusis oriri videantur.

16. Si verò sal hoc specificè corruptum, & in vasis hypochondrii delitescens, vel naturæ ductu, vel ex causâ aliquâ externâ moveatur; sanguinis alluvione per venas & arterias toti corpori communicatur. Unde postmodum *Locus, in quo vitiosorum humorum colluvies restagnat, sunt venæ & arteriæ*: & quandiu sal hoc scorbuticum exactè sanguini commistum intra vasa continetur, & circulatur, nullum affert conspicuum corpori incommodum: si verò extra arterias in substantiam partis cujusdam protrudatur, ei quæ vitiosam suâ qualitatem communicet, tunc varia illa symptomata pro diversitate nimirum humorum excitat. Et humores hi scorbutici plerunque sunt tenues; quia sal scorbuticum in sero residet, unde fit, quod continuo sanguinis motu facilè rursus in venas propelli queunt: atque hanc veram causam esse, puto, cur sæpè & plerunque symptomata scorbutica per intervalla impetum faciât, quod si sal scorbuticum in humore quodam crasso, vel contumaci hæreat, qui pulsu arteriarum, non facilè movetur, sive quando aliam ob causam humores ex arteriis propulsi in venas refluxere non possunt, symptomata scorbutica continua sunt, & diutius durantia magisque ægroto excruciantia.

17. Hinc demum elucescit, quod porro in definitione dicitur: *Oriri à sale fixo, & in ventriculo minus attenuato, majori etiam copiâ, quàm par erat, assumto, peculiariter tamen & specificè corrupto*. Cum enim sal omnibus rebus mistis & alimentis, quæ ab homine assumuntur, insit, ut tertium principium chemicum; omnia etiam sale condiantur fere; nec tamen scorbutus in omnibus generetur; sal scorbuticum peculiare debet habere conditiones. Requiritur igitur 1. Ut sal illud sit fixum, generatum ex deficiente salis, qui cibus inest, & cum iis ingeritur; potusque ac cibi crassioris coctione, ac *πυκνωσις*: Hæc enim si non fiat, crassus ille & fixus chylus, seu sal in primis viis subsistit, qui licet postmodum ab humore aqueo præterfluente solvatur, & attenuetur, vitium tamen, quod in prima coctione contraxit, non potest elui. Cras-



fitiem autem & fixitatem salis sat abundè ostendunt urinæ crassæ & sabulosæ. Reprehenduntur dicta jam à quibusdam, eò quod alimento falso assumpto nihil æquè noceat, quam si attenuetur valdè, & solvatur salugo: sic enim plurimæ salis ipsas subire venas necesse esse, quod aliàs cum cibi regimens abjiceretur. Verum sine ratione hæc dicuntur: Si enim statim in primâ coctione sal copiosum & tartareum rectè coquitur, rectè etiam separatur; & quod remanet, nullam corpori noxam infert, sed quodā amicitia quasi vinculo humoribus unitur, partibusque aptum præbet nutrimentum.

18. Requiritur 2. ut sal illud confertim, & in majori copiâ, quam par erat, assumptum sit: tum enim ita probè concoqui, digeri, & attenuari, neque etiam omne expelli potest; sed crudum, & crassum, unâ cum reliquo chylo elevatur, & in venas defertur, ubi cum subsistit, vel etiam sese copiosius admiscetur, facile potest corrumpi. Semper autem aliquid salis unâ cum chylo in venas è ventriculo deduci satis fit manifestum & sanguinis ex viscerum chemicâ resolutione, nec non ipso sero, falsedinem ipso gustu præ se ferente. 3. Sal hoc licet sit fixum, & in toto corpore abundet, non tamen proxima causa fit scorbuti, nisi specificè, & nobis incognito modo corrumpatur. Interdum etiam salinum hoc principium in minimâ copiâ corruptum totam sanguinis massam inficit, scorbutumque generat, sicut fit in iis, qui ex contagio malum hauserunt.

19. Sal hoc corruptum non semper sedem suam habet in humoribus tantùm serosis & tenuibus, quemadmodum multi volunt. Quamvis enim plura probent tenuitatem hujus humoris sc. quod sal in aqua facillimè resolvatur; quod scorbutus sæpè in hydropem terminetur: sudores quoque, salivationes, vesicæ aquâ plenæ, toto corpore prodeuntes: semen aquosum, sanguinis tenuis profluvium ex variis partibus, gingivæ sanguinem facile fundentes: mobilitas itidem humoris, quique hinc oriuntur, affectuum inconstantia: sanatio denique, cum per urinam, sudorem, & transpirationem scorbutus ut plurimum profligetur: ut ita fatendum sit,

sal



sal hoc sapissimè in seroso & tenui sanguine residere: multa tamen sunt, quæ ostendunt, inquinamentum hoc interdum etiam in crasso delitescere humore: urinæ nim. crassæ; sanguis verâ sectâ exiens; qui non tantum extra corpus subsistens concrevit, sed in ipso exitu crassus est nigerque: id quod cuius Medicorum Borealibus in locis Medicinam facienti patet. Etenim quod quidam crassum illud, quod in sanguine scorbuticorum est, non esse humorem scorbuticum volunt; sed crudius quiddam aptum tamen natum, ut in sanguinem convertatur; quodammodo videtur dubium; sæpè enim videmus alleviari ægrotos rejectione hujus sanguinis: scorbutici etiam nonnulli cum urinas reddunt crassas & crasso sedimento conspersas melius se habent, quam cum urinæ tenues sunt: imò hoc quandoque signum est antiscorbutica evincere humorem scorbuticum, si ab eorum usu urinæ eminguntur crassæ. In crasso ergo humore malum illud scorbuticum quandoq; hære, non omnino est negandum.

20. Rectius insuper dicitur: sal specificè corruptum, esse causam proximam scorbuti, quàm humorem Melancholicum; id quod tamen multis placet, qui volunt eum constare partibus crassis, terrestribus, seu tartareis, & tenuibus. Nituntur enim falsâ hypothesi: nempe lienem attrahere partem sanguinis terrestriorem per portæ ramum splenicum, eumq; concoquere: necesse verò esse, cum crassior sit hic sanguis, dilutum esse multo sero, & aquâ. Etenim non reperiri excrementum naturale melancholicum in corpore; neque lienem attrahere posse ex porta partem crassiorem sanguinis, *Conringius in tract. de sang. generat. p. 71. & seq.* evidenter probat. Quibus cadentibus, concidunt etiam omnia, quæ de humore melancholico vulgo dicuntur. Taceo quam inconstantes sint Autores in describendis qualitatibus humoris melancholici: dum alii dicunt esse falsum, tartareum: alii acidum, acerbum: imò omnem ferè sanguinis corruptionem indigitant nomine humoris melancholici.

21. Sequitur etiam hinc, falsum esse, quod illi ipsi proferunt, Lienem esse subjectum dispositionis scorbuticæ: Sive enim



enim dicatur, lienem crassiores chylum ad se trahere ex venâ portæ, & concoquere: sive sanguinem tenuiorem & puriorem præparare: sive, chylum potulentum ex ventriculo statim ad lienem tendere, ibique concoqui: nihil tamen eorum potest solidè demonstrari: nec ullo argumento evinci, symptomata, quæ vulgo magnis lienibus attribuuntur, vitio lienis provenire. Quin potius dico, lienem in statu naturali non concoquendi gratia conditum, sed & ut arterias, venasque fulciat: & si quid præterea, ut ad concoctionem cibi faciat, ventriculumque calefaciat. Ut concludamus, constanter assero, non peculiarem aliquem humorem assignandum esse scorbutico inquinamento, sed quemadmodum Pestis, & Lues Gallica omnis generis humores inficere possunt, sic & universi à scorbuticâ malignitate contaminari: præsertim si per contagium disseminetur: Dispositionem tamen hanc nasci ex sale in corpore occulto modo corrupto: quamvis falsa qualitas non semper per acrimoniam sese prodatur: cum sæpè salivationes, & sanguis gingivarum in scorbuticis planè sint insipida.

22. Et tantum de causa scorbuti proximâ: ad quam nunc remotæ omnes reducendæ. Sunt autem hæ vel *Generantes*, vel *Foventes*, vel *Propagantes*, ut *Contagium*.

23. *Generantes* sunt omnia, quæ copiosum & crassum sal continent: inter quæ primæ tenet *victus ratio*; quæ si fuerit falsa, magnâ sanè ad scorbuti generationem vim obtinet cū illæsis & optimè constitutis visceribus ex alimentis ejusmodi in venis colligi ea falsædinis copia possit, quæ scorbuticam cachexiam inducat *Conring. diss. de scorbut. lib. 42*. Imprimis huc faciunt caro falsugine, muria, ac aceto macerata, & fumo siccata, indurataque: ut & pisces maritimi, ac palustres hoc modo præparati. Hujus generis victu cum *Saxones* nostri maximè delectentur, non mirum est, talem exinde provenire effectum. Meritò enim conqueri possumus cum *Seneca ep. 39*. Inter causas malorum nostrorum est, quod vivimus ad exempla, nec ratione componimur, sed consuetudine adducimur; quod si pauci faciunt, nolumus imitari: quum plures



facere cœpeunt, quasi honestius sit, frequentes sequimur, & recti apud nos locum tenet error multorum. Et sic mos infumandi, & falsedine nimia corrumpendi cibos adeo apud nos obtinuit, ut qui non imitetur, pro prodigo habeatur. Carnibus hisce sal cum insit fixum, & crassum, (idque non solum internum, sed etiam externum, si nim. vel muria condiantur, aut fumus, omnes earum partes penetraverit) facile tamen in humido solubile, atque inde exhalabile, & in venas permeabile, si copiosius assumantur, non potest non simul cum bono chylo multum salis in venas deferri, & in corpore ulterius corrumpi. Omni namque alimento, inquit *Fienus lib. de flatibus cap. 2.* quantumvis feliciter in ventriculo concocto, genuina perpetuo, insitaque natura mordicus retinetur: hinc lactuca, aliaque hujusmodi frigida, licet coctione vincantur, superenturque, ventriculum tamen & corpus reliquum refrigerant, ex iisque sanguis profertur frigidior. Quæ cum ita se habeant, cibi sale abundantes nil nisi falsuginosum chylum & sanguinem suppeditabunt. Non tamen omnis cibus sale maceratus incommodus. Cum enim bubulæ carnes nobis longa consuetudine familiares redditæ sint, si easdem ad dies aliquot modico sale aspergi curaverimus ante decoctionem, & gratioris saporis & facilioris concoctionis, & probioris succi reddentur: Idque de aliis etiam verum. At si maceratio modum & tempus excedat, malum. *Ronsseus de scorbut. c. 11.* Referenda in hunc censum caro venatica, & putida: aves aquaticæ: ut & lardum rancidum, & caseus vetustior: magnam quæ præbent salis copiam, frumentum itidem corruptum, tempore pluvie collectum, & non p̄bè asservatū: panis bis coctus, submucidus, vel ad perennitatem infumatus, nauticus, & præcipue à frumento corrupto paratus: brassica, cæpæ, lentescæ, fabæ & legumina alia, præsertim negligentius asservata, & corrupta: item putrida, hæc enim ut plurimum falsa sunt: cum putredine dissolutis partibus seorsim sistatur quicquid latet in quovis corpore, etiam interni salis: nimirum omnia ista cum sal copiosum contineant, si assumantur, salinum producunt sanguinem, & scorbuticæ corruptioni aptum: Et



ut summatim dicamus, omnia huc respiciunt, quæ humorem crassum, siccum, & terrestrem generare possunt, quorum satis prolixum catalogum recenset *Galenus 3. de loc. aff. c. 7.*

24. Cibum excipit *Potus* : & primò quidem aquæ corruptæ, & falsæ, quocunque modo intra corpus bibantur : aquas enim tales vitiosas magnos lienes generare posse testatur ipse *Hippocrates lib. de aëre, aquis & locis.* Aquæ autem, quæ reperiuntur in locis, ubi scorbutus regnat, manifestò nitrosæ, aut subsalsæ sunt. Sed & putridæ aquæ guttur non aliter ac falsæ afficiunt : tales verò locis uliginosis aut scaturiunt, aut colliguntur. Palustres quoque cum consistant ex pluvialibus præcipuè aquis, & nivibus resolutis, multum falsædinis continent, eò quod pluvix generentur ex vaporibus è terra exhalantibus, quibus multum falsi terrei inest. *Conring. disp. de scorb. th. 41.* Mirum, quod *Vitruvius* refert : ab aquis nimirum, quæ reperiuntur *Trozæni* : pedes noxam sentire ; ab iis v. quæ fusis scaturiunt, dentes labefactari & excidere, ut habet *Salom. Albertus disp. 2. de scorb. th. 14.* Vinum deinde corruptum, quodque in ventriculo nō probè coquitur, sed acescit, crassum imprimis, & atrum fœculentum, idque non solum, quantum sitis postulabat, sed amystide potum & copiosius assumptum : Imò vina aquea, & immatura, plurimoque phlegmate insipido, copiosoque tartaro fœculento prædita. Ex corrupto enim vino, quodque in ventriculo acescit, cum spiritus evanuerint vel figantur, non potest non plurimum salis in ventriculo generari ; crassa autem vina per se abundant, copioso tartaro. *Cerevisia* item haud probè cocta, & paucolupulo condita, fœculentaque, fœces enim quid aliud sunt, quam pars terrestris frumenti multo sale abundans : quæ si assumantur, non possunt non multum excrementi terrestris & falsi in corpore generare.

25. Cum verò duo sint, quæ potissimum corpora nostra ad morbosas affectiones præparant, *Victus ratio*, & *Regio* : non malè etiam inter has causas recensetur *Aër*. in quibusdam tamen locis tantummodo, ubi nimirum multis est vaporibus salinis juxta mare ab astris elevatis, sed non percoctis



ctis repletus, quem maritimi, & navigantium turba ad se trahunt inspirando, & expirando: quales enim aquæ sunt, tales & vapores exhalant: & tales vapores vel jam sunt inquinamento scorbutico contaminati, vel ad viscera nutritionis per arterias delati, ibique residentes, dispositionem scorbuticam acquirunt, & postea omnes impuritates eò derivatas homogeneâ quasi salini principii conformitate gaudentes ad se rapiunt, inficiuntque: ut hac de re differit *Hartmannus in practica Chimiatrix* pag. 213. Aëremque talem multum posse ad scorbutum inducendum probat *Ronseus de magnis lienibus* cap. 5. qui etiam hæc de causâ *Hollandis* maximè infestas esse splenitidas: *Alcmariam* verò *Amstelrodamum*, & loca his vicina inhabitantes, multo periculosius, & frequentius scelotypre affici, quam qui *Gaudam* & *Roterodamum*, hisq; rarius *Dordracenses* ep. medicinal. 1. scribit. Verum hoc tantum in quibusdam locis accidit: aliàs enim potius ad foventes & adjuvantes causas refertur *Aër*.

26. Aëris nomine quoque venit *Cæli status*, præsertim *Austrinus*. Auster enim multum per se etiam inducit aquæ corporibus, colliquat salé fixum, ut si quod lateat sal siccus, liquefcere illud faciat, ac diffui. Quia etiam vaporibus salis præditus eosdē in corpus immittit. Comprehendit enim Auster multum siccæ exhalationis, ut *Aristoteles observavit* 2. *meteor. cap. 3.* quoniam vel flat à locis calidis & siccis, vel per ea transit, inficiturque. *Conring. disp. de scorb. th. 44.* Et Austrinam talem aëris constitutionem potentem esse ad excitandum scorbutum, duobus probat exemplis *Ronseus de scorb. cap. 5.* Pertinent huc etiam *domicilia humecta* & *situ obsita, subterranea: frigida* itidem & *humida murorum exhalatio*, quamvis hæc non tam frigiditate noceant, quam nitrosis, & salis exhalationibus, quibus austrina tempestate commadescunt. *Conring. l. c.*

27. Et hæc jam annumerata familiam ducunt inter causas scorbuti generantes: falsa enim præter naturam in corpore coacervant, quæ postmodum peculiari modo corrumpuntur. Subsequentes verò coadjuvantes tantum caus-



sæ sunt, quatenus vel calorem nativum langvidiorem reddunt, & ob id concoctiones, & nutritiones, excrementorumque separationes fiunt deteriores, unde faciliè humores dicto modo possunt corrumpi: Vel faciunt, ut sal scorbuticum latens effervescat, & moveatur. Inter quas primò occurrit *Anni tempus*: Etsi enim scorbutus quovis anni tempore invadere possit, potissimum tamen Vere & Autumno accessiones suas facit: quod *Vere* quidem humores delitescentes ex profundo corporis ad exteriora ferantur: *Autumno* autem salinæ & tartareæ impuritates scorbuti causa cum primis abundant, resolutis à calore æstivo partibus tenuioribus, & benignioribus sanguinis. Solent tamen veræ accessiones mitiores, & breviores esse; autumnales longiores, & periculiosiores: *Ronsseus de scorb. cap. 6. Salomon Albertus diss. de scorb. thes. 138.*

28. Huic suffragantur, quæcunque præterea ad vitæ sortem pertinere videntur, ut sunt *ignavum & supinum vitæ genus, & exercitia vel planè intermissa, vel parum tempestiva*. Vita enim otiosa alvum constipat, viscera indurat: ideoque coacervari necesse est, quicquid scorbuticæ colluviei sive per alimentum, sive aliunde apportatum est. *Conring. diss. de sc. thes. 45.*

29. *Mensium quoq; & hæmorrhoidum suppressio* hîc non omittenda: cum *Eugalenus obs. 1.* historiam tradat scorbuti ex mensium suppressione orti. Et sæpè hæc sola cum victus ratione strenua scorbuti genetrix est. Nam cum per hæmorrhoides naturæ instituto humores falsi purgari soleant, si evacuationes istæ in iis, quibus consuetæ sunt, subsistant, aut si in foeminis sanguis qui ad uterum descendere debebat, & vitiosi humores, qui cum eo solent excerni, retineantur, in hypochondria decumbunt, & ulterius corrupti huic malo materias suppeditant, *Sennertus l. 3. prox. part. 5. sect. 1. cap. 3. pag. 318.* Aliam rationem vid. apud *Conring. diss. de scorb. th. 50.* Item *Somnus & Vigiliæ*. Quomodo autem somnus & vigiliæ nimix lædant, seu corrumpant sanguinem: nemo quod sciam, exactè docuit, Ego sic dico: Somnus & vigiliæ sunt



sunt affectiones cordis: jam verò, ut infra docetur, sangvificatio fit in corde: In somno autem cor debiliter movetur: unde si somnus modum excedat, fieri aliter non potest, quin ob cordis actionem imminutam cruditates generentur: In vigiliis autem nimis cum cor semper valdè moveatur, tandem ob continuum motum labefactatur: unde sangvificatio læditur, & cruditates cumulantur.

30. Magnam etiam vim habent ad Cacochymiam scorbuticam inducendam *Animipathemata*. Cum enim sangvificatio fiat in corde, quod in gemino ventriculo, tanquam in geminâ ollâ coquit sangvinem à cavâ subministratum, eumque ad illam perfectionem deducit, quam forma, seu temperamentum sangvinis desiderat, ut alere possit, quemadmodum docet *Hoffmannus lib. de loc. aff. controvers. 1. thes. 25.* sive ut *Conringius tract. de gener. sangvin. pag. 272.* in corde concoquitur, maturaturque sangvinis cruditas, & alendi, calefaciendique ineptitudo, dum nim. partes quasdam sangvinis pingviores attenuat, & aquosum humorem præparat, ut ille facili mox negotio possit sequestrari: non minus in thorace, & corde, ac in abdomine vitium capit sangvis. Læditur autem hæc cordis sangvificatio læsis tribus principalibus cordis actionibus: Respiratione, pulsu, & Affectibus vulgo dictis: & sicut aqua bis terve calefacta, iterumque refrigerata, & manifestè turbida & putida fit: ita in animi affectibus accidit, *Hoffmannus de loc. affect. l. 1. c. 36.* hi siquidem in corde mutationem à naturali constitutione in temperie, pulsu, & reliquis faciunt. *Harveius de motu cordis cap. 15.* Idcirco aliter fieri nequit, quin læso cordis motu in affectibus, vel perturbato: perturbetur & sangvificatio, & serum & sal ita præparetur, ut educi possit in renibus: quæ cum sangvine commista faciliè postmodum ulterius corrumpuntur, & scorbuti fundamenta jaciunt. Præ cæteris verò causat scorbutum *Tristitia*: adeo ut *Eugalenus pag. 3. & obs. 15.* testetur, lede iis, quos cum crassio. e victus ratione mæsticia exercuerit, semper scorbuti, vel solius vel aliis permisti morbis generationem liberè prædixisse. In tristitia sc. cordis motus immi-



nuitur, adeò ut *Hoffmannus* asserat lib. 1. de loc. aff. c. 36. in iis, qui mœroribus diuturnis obruti fuerunt, post mortem cor. repertum simile pyro tosto: unde ut dictum actio cordis diminutè perficitur, nec serosi & salsi humores rectè præparantur: Imò cum cordis motu imminuto circulatio non ita apprimè fiat, nec sangvis omniū ferè actionū in homine causa instrumentalis tum ad ventriculū, tum ad partes promptè mittatur; quid mirum, si in mœrore cordis hoc motu imminuto concoctio in ventriculo & aliis partibus quoque imminuatur: unde *Sennertus de consens. pag. 234. cap. 14.* Videmus eos, qui animo læto, & hilari sunt, cibum facilius, & celerius concoquere, cōtra verò cibos ab iis, qui sollicitudine aliqua, timore, aut mœrore detinentur, non rectè coqui, sed corrumpi, atq; ita cruditates & vitiosos humores cumulari, morbosque generari, & augeri.

31. *Febres* itidem non solum *quartana*, sed & *tertiana diuturna* in scorbutum degenerare solent: idque fieri puto à colliquatione humorum: Eadem enim est ratio lactis ab igne coagulati: quod partim in caseosam, partim in serosam abit substantiam: sic colliquatis, & solutis à calore febrili partibus sanguinis concretis, partim in crassam, partim in tenuē, & acrem convertuntur substantiam: quæ postmodum ita separatae facilè corruptionem scorbuticam induunt. *Conring. disp. de scorb. th. 48. & seqq.*

32. Tandem in caussarum harum censu est *Imbecillitas, intemperies, & obstructio partium infimi ventris*: eaque vel nativa vel ex affluxu vitiosorum humorum contracta: quæ cumulandis vitiosis & tartareis humoribus fenestram aperit latissimam. Aliàs expultrice partium se rectè habente, semper cum urinis, & sudoribus in sanis, quicquid incoctibile in venis cum humoribus commistum est, decenter expellitur. *Conring. disp. de scorb. th. 42.* Non semper autem obstruuntur hepar, & lienis vasa, sed & mesenterium, & pancreas. *Vasorum etiam in hisce visceribus exilitas*, non omni caret culpâ: si quidem falsum, terrenumque humorem ad convenientia emissaria non dimittet.



33. Ultimum caussarum genus est *Contagium*: quo scorbutus æque est infestus ac lues Gallica, foeditate etiam haut inferior: *Joannes Schengkius præf. in obs.* Contagii autem semina variis modis sparguntur. Vel n. in ipso semine paterno dispositio talis delitescere potest: cum patrum in natos abeat cum semine morbi: Vel à matre in sobolem per sanguinem menstruū impurum & inquinatum derivatur; & tum vocatur hic morbus *συγενής* velut parente satus: Vel à matre, aut nutrice cum lacte instillatur: tumq; dicitur *σύντροφος*, connutritus, seu collactaneus: Vel alio modo per contactū & conversationem, ut per pocula, oscula, ægrorum expirationes, halitūs, cadaverum scorbuticorum foetorem, remque cum scorbuticis habitam cōmunicari potest, ut docet *Sennertus de scorb. c. 4.* tumque *δι' ἐπαφῶν, ἢ συναντήσεων*, per attactum, contractus & acquisitus dicitur.

34. Qua ratione v. malum hoc per contagium admissū in universum corpus penetret, nemo melius docuit *Harveio tract. de cord. motu p. 61.* Contagiū, inquit, in particulā quandam impressum una cum revertente sanguine ad cor fertur, & inde vel totum corpus postea inquinat, vel prout determinatis in corpore partibus adversum est, easdē corrumpit. Idipsū fit in scorbuto. Neq; est quod dubitemus, num scorbutus sit contagiosus, nisi experientiam, Medicorumq; observationes impudenter negare velimus. Aliquot enim ejus exempla collegit *Eugalenus obs. 59.* Et *Echtiuss de scorbuto*, ubi fieri quādoq; ut in totas familias, & monasteria tota serpat, dicit, quod & *Eugalenus d. l.* profert. Causam cur cognati, & consanguinei facilius scorbuto per contagium inficiantur, quam alii, rejicio cum *Sennerto l. 4. de febr. c. 3.* in analogiam & similitudinē corporis: quemadmodum & in peste, aliisq; morbis ii promptius inficiuntur, qui similem corporis dispositionem cum eo, quod per contagium inficit, habent. Possē etiam sal in corpore ita corrumpi, ut morbos contagiosos efficiat, vel ut *μιάσματα* ejus sint contagiosa: videmus non solum in scorbuto, sed & in scabie, quæ oritur à salso & acri humore: in phthisi, seu exulceratione pulmonū, quæ itidē non aliunde provenit, quam in falsis & acribus humoribus.



35. Tantum de causis sufficiat: Ordo nunc postulat ; ut signa recensamus : Quemadmodum verò herbas primum propullantes cognoscere non nisi a tificis , & boni botanici est : postquam adolevere , floresque emiserunt , etiam vulgo notæ sunt : sic primordia hujus morbi dignoscere , peritum , & artificiosum requirit Medicum : cum verò vel gingivæ exulcerantur , vel maculæ in cruribus apparent , quivis scorbutum adesse judicat. Scorbutus nim. instar hostis fraudulentus est , qui semper latibula insidiosè occupat , nunquam se foris proripiens nisi viribus adauctus : sic & ab infensissimo harum regionum inimico in initio quotidie parantur insidiæ capitales tam absconditæ , ut à speculatoribus sagacissimis vix investigari queant. Latitat videlicet altissimè , & insidiosissimè , nec nisi victoriæ spe affulgente natura omni prostrata impetum facit difficillimum toleratu , & non nisi suppetiis latis firmissimis , insidiisque hostis superioribus coercendum. Cur autem quandoque tam difficilis cognitu sit , causam esse puto , quod non semper massæ sanguineæ miscetur sal scorbuticum , & ad cor defertur : hoc enim cum læditur , facile ejus actiones læsæ apparent : sed subsistit in vasis hypochondrii , eorumque lateribus adhærescit , donec tandem ebulliat , & toti sanguini commisceatur. Videmus enim quotidie in praxi sæpè ingentem saburtam vitiosorum humorum in locis hisce delitescere sine ullo conspicuo signo , quam quod lassitudo adsit , præsertim autem hypochondriacis id accidit.

36. Excubias itaque agere debemus vigilantiores , quo hostis hujus dolosissimi conatus indagare discamus. Signa enim pathognomonica præsertim in initio desunt : incipientis verò morbi signa cum aliis morbis sunt communia : non tamen adeò latitat scorbutus , quin si omnia exactè perpendamus , insidias ejus eludamus. Ante omnia itaque Medicus ad ægrotum vocatus , si quid certi de morbo hoc statuere velit ; inquiret , num in regione quadam vixerit , vel vivat , in qua scorbutus dominatur : qua diætâ usus sit : An parentes scorbuticos habuerit : an morbo hypochondriaco antea la-

bo-



borant,quem sequi scorbutus solet:an juvaminis percipiat  
quid ex medicamentorum antiscorbuticorum usu: an cum  
crassiore victus ratione affectus animi, præsertim mœror,  
exercuerint: Symptomatum quoque proprietates perpen-  
dendæ, dum nim. in scorbuto per certas quasdam periodos  
recurrunt, & ut observavit *Sennertus l. d. c. 5. n. 1.* & alii, alias  
tertio, aliàs quarto, nunc quinto & septimo die, aliquos quo-  
tidie pro humoris qualitate & cōditione infestant. Observas-  
se etiam hoc loco operæ pretium, si quis in hisce regionibus  
occurrat morbus rarus, antiquitus non satis cognitus, vel à  
consuetis morborum signis & moribus discrepans: aut ubi  
lento morbo vel potius continuo langvore aliquo, absq; ma-  
nifesto, & veteribus non nominato symptomate affici conti-  
gerit: à quo citra causam sensibus obviam paulatim consu-  
mitur, & simul inani vomendi conatu sine evidenti ventri-  
culi affectione infestatur: suspectum protinus habere istum  
affectum debemus, & in scorbutum animadvertere. *Eugale-  
nus pag. 338. Sennertus de sc. cap. 5. §. 1.*

37. Generalioribus hisce diligenter disquisitis & alia  
postea perpendenda: *Incipientis* enim signa sunt. Lassitudo  
spontanea: in abdomine & cruribus gravitatis sensus: cru-  
rum debilitas, ac dolor obtusus: hunc enim si cum pulsu oc-  
currat debili, parvo, & inæquali, jure merito ex pathognomo-  
nicis hujus morbi signis cēseri debere putat *Eugalenus ebsf. 44.*  
Hęc postea excipit, ebulliente nim. humore scorbutico pecto-  
ris angustia, ac respiratio difficilis & anhelatio: quam tamen  
hebetiores non sentiunt nisi à validiore exercitio: homo ple-  
runque præter solitum fit corpulentior, & quasi pingvior,  
cum vividi corporis coloris ad lividum permutatione: pro-  
nus etiam ad lipothymiam, cum tamen reliquæ corporis fa-  
cultates minus imminutæ sint, & debilitatæ, *Sennertus  
l. c. §. 2.*

38. Quæ signa si ex curantis inscitia, vel ægroti negli-  
gentia non animadvertantur, alia, & sequentia symptomata  
supervenire possunt: in quibus enim natura ipsi morbi caus-  
sæ adhuc dominatur, & prævalet, quam longissimè malum à



nobilioribus partibus à se removere studet, partim in pedes, partim in gingivas morbi causâ referens: unde rubedo gingivarum pruriginosa: facies fit pallida, & livida: urina variat nunc tenuis, nunc turbida existens: In eâdem etiam quandoque majora putrefactionis signa sunt, quam sitis & æstus ostendunt, morbo lento existente, & nulli veterum morbo suis signis & symptomatibus accedente: pulsus est parvus, debilis & inæqualis, ac sæpè vermicularis: vel magnus & durus, absque inflammatione, *Sennertus l. c. §. 3.*

39. Ingravescunt hæc symptomata *morbo invalescente*: aliaque etiam accidunt: Pectoris enim angustia, & anhelitus difficultas adeò sæpè augmentur, ut dum se movent, & erigunt ægri, lipothymiam minentur: cum tamen decumbentes liberius respirent. Ventris tormina: gingivarum laxus, & sanguifluus tumor: earumque foetor adest: caro ad dentium radices abscedit, pravo humore dentium alveolos occupante: dentes vacillant: sordes tartari instar vini dentibus vacillantibus adherent. Crura liberaliore lutulenti humoris haustu inebriata, & ad ambulandum inepta redduntur, & q. paralyfin quandam patiuntur: Maculæ variæ minimè tuberosæ undiquaque prorumpunt. Crura sæpè sic attenuantur, ut ossa videatur cutis tangere sola: sæpè intumescunt: sæpè ita exulcerantur, ut Elephantiasin Arabum esse suspicari possis, *Sennertus l. c. §. 4.* His & alia sæpè accedunt, quæ ut conspicua reddantur, placuit juxta Alphabeti ordinem omnia apponere symptomata, quæ in lectione autorum circa scorbutum, accidisse observavi: quamvis nullus ferè morbus, nullum symptomata sit, sub quo delitescere quodve comitari scorbutus nequeat.

40. Conjungitur enim scorbuto ALVI FLUXUS seu Diarrhæa, qua fœces nunc compactæ quidem, sed copia ingestum cibum excedentes, coloris varii, nunc herbacei, nunc cinericii excernuntur: nunc liquidæ confertim, & magna copia ejiciuntur, ita ut nonnunquam ad quinquaginta feces sus excrescant. *Sennertus l. c. §. 39. Matthæus Martin. thes. 50.* Sæpè quoque fluxus alvi sangvinolenti accidunt, Dysenteriam



riam æmulantes, à quibus tamen nequaquam diminuitur  
 morbus, cum anxietatibus præcordia vellicantibus, animiq;  
 deliquiis *Sennertus l. c. §. 40. M. Martini th. 50.* Fiunt hi flu-  
 xus, quod serum scorbuticum, vel sanguini mistum, vel aliis  
 humoribus, magno impetu ruat ad intestina. Nocet autem  
 adstringentibus fluxum sistere, quod copia adsit humoris se-  
 rosi exitu quærentis, qui tamen concoqui nequit. Subsistente  
 igitur alvo fertur in vicina ventriculi loca, & ad cor, ac subse-  
 quuntur symptomata cordis: ut animi deliquia, & angustia  
 pectoris. *Conring. diss. de scorb. th. 32. Sennertus l. c. §. 39.* ubi  
 quidem fluxus hujus alias causas ponit, vix tamen proba-  
 biles. Primam quod attinet, ex Harveana circula-  
 tione satis patet, venas non attrahere alimentum: idque  
 prolixè probat *Conring. de gen. sangvin. pag. 329.* itaque nec  
 venarum, nec hepatis debilitas hic accusari potest: quod al-  
 teram, falsum itidem humorem ab intestinis ad lienem ire:  
 falsum etiam à liene ad intestina ire pervenas: sed omnis  
 sanguis, qui in ramo splenico est, deferitur ad portæ truncum,  
 hinc ad hepar. *Conring. de gener. sang. pag. 157.* Nondum etiã  
 probatum satis, lienem aquam ad se trahere. ALVI ADSTRICTIO, ut vix post tertium, vel quartum diem semel deiciant. 13.  
*Sennertus l. c. §. 41.* Provenire hæc videtur, vel ab humoribus  
 salinis, intestina exsiccantibus, & constringentibus: vel quod  
 humiditas aliò potius, ad vesicam nempe, aut corporis habi-  
 tum feratur: unde fœcibus siccatis non potest non siccari  
 venter. Vel quod *Sennertus* vult *l. c. §. 41.* ob intestinorum  
 revulsionem, & retractionem sursum factam. ANXIETAS &  
 ANGUSTIA CIRCA PRÆCORDIA, præcipuè à pharmaco purgante  
 exhibito, aut à motione corporis. *Eugalenus passim in observ.*  
*Sennertus l. c. §. 8. Matth. Martini de scorb. th. 24.* Anxietatem  
 hanc non ab obstructione oriri puto, quippe quæ sæpè nulla  
 adest, sed ab humorum perturbatione, & ebullitione, unde  
 ventriculus & præcordia extenduntur. Chimici non malè in  
 spiritum salis cum tartaro, seu spiritum tartareum referunt  
 anxietates tales, hinc enim scorbuticis tam familiares, *Sen-*  
*nertus de consen. cap. 16. pag. 275.* Conjungitur autem huic an-



gustia interdum lipothymia, tum ob ventriculi consensum: tum quod humores ebullientes ad cor simul ruant, idq; quasi obruant, & in motu impediunt. *Sennert. 3. prax. pag. 519. Cening. disp. de scorb. th. 20.* ANHELITUS ferè omnibus scorbuticis foetet, ut astantes eum vix ferre possint, & nares avertere cogantur. *Sennert. l. c. §. 47.* APHONIA à partium linguam. moventium contractione, & convulsione orta, item à lingvæ paralyfi. *Mat. Martini de scorb. th. 236.* tum quoque à tumore circa collum: *Eugaleo pag. 183.* APOPLEXIA quam interdum præcedit gangræna. *Sennertus l. c. §. 26. & 61.* Pono [autem] apoplexiæ causam, non obstructionem ventriculorum cerebri: dogma enim hoc jamdudum explosum: Non principii nervorum angustiam: quum ex hac opinione non omnium *Φαινόμενα*, quæ circa hunc affectum occurrunt, solida possit dari ratio, & alias faciliè refutetur: nec etiam arteriarum, plexum retiformem constituentium, compressionem: ob hujus enim plexus angustiam cum non omnes spiritus vitales intercipi possint, sed multa alia dentur vasa, quæ capiti sanguinem suppeditent, non omnis sensus, & motus ablatio inferitur: Sed amplector sententiam *Hippocratis lib. 2. de morb. & lib. de sacro morbo*: à carotidum angustia, & obstructione fieri. Vasis enim his obstructis non solum sensus communis, & appetitus, qui resident in corde, impediuntur, cum nulla fiat delatio specierum ad sensorium illud, cor: unde necessario & sensus & motus (quorum uterque sensus communis auxilio indiget) auferuntur: sed etiam influxus vitalis caloris ad cerebrum & nervos denegatur: hinc nervi omnes non possunt non admodum debilitari, & refrigerari: at nervis refrigeratis plus justo sensum tolli, & per consequens motum voluntarium, experientia constat. Ex obstructione etiam horum vasorum suffocatio oritur: non solum quia sanguis retrogrediens obruit cor: sed etiam quia muscoli laryngis sanguine intumescendo laryngem comprimunt, atq; ita respirationem impediunt occludendo meatum aëris. Obstructio autem talis fit non solum pituita copiosè à capite delabente, sanguinem incrassante, & motum ejus impediante: verum etiam



à sanguine cum impetu ad caput raptò, vel ab ictu, casu, aut  
 alio modo eò detruso: vel ebulliente, & effervescente: vel  
 fluxibus multis, sanguinè instantibus & quasi congelantibus,  
 referto. Et hoc modo Apoplexia quoq; in scorbutò accidit:  
 quando nimirum ab ebullitione humorum, vel sanguine lar-  
 gis exhalationibus repleto cor suffocatur, & carotides ob-  
 struuntur. *Conring. diss. de scorb. th. 34.* APPETITUS DEJECTIO:  
 quæ etsi rarò combinetur scorbutò, aliis tamen advenienti-  
 bus symptomatibus adeò invalescit, ut cibum planè non fe-  
 rant, sed ab eo vel modica quantitate assumto omnia exaspe-  
 rentur symptomata. *Eugalenus obs. 70. Sennertus l. c. §. 34. Sa-  
 lomon Albertus diss. de scorb. th. 87.* Provenit ανοξία hæc  
 ventriculo langvente & exsoluto præferi non admodum  
 acris copia. Quin potius in scorbuticis APPETITUS INSATIA-  
 BILIS est, cum tamen à sumto cibo vires non conservètur, verù  
 omnia in deterius ruere conspiciantur. *M. Martini de scorb.  
 th. 48.* Caussam hujus appetitus dedimus *supra th. 15.* ARDOR  
 URINÆ *Sennertus l. c. §. II.* & musculosarum partium, bra-  
 chiorum nimirum, & aliarum, sensu guttularum ferventissi-  
 marum aquæ ardentis aspersarum: nullo interim apparente ex-  
 terno vestigio: sequitur hic ardor quâdoq; usû sudoriferorû:  
 nempe discussò ab hydrotico seroso humore, facilè remanet  
 salis aliquid in illis locis, quod exæstuans ita afficit: præsertim  
 in plantis pedum ardor talis, & intolerabilis dolor percipi-  
 tur cum maculis sublividis in cruribus: quem tamen ut plu-  
 rimum crurum resolutio excipit, *Eugalenus pag. 94. Sennertus  
 l. c. §. 5. M. Martini l. c. th. 41.* ARTHRITIS, de quo *infra th. 42.*  
 ubi de doloribus scorbuticis agemus. ATROPHIA, hanc au-  
 tem subintelligo atrophiam, quam expressit *Primorosius lib. 2.  
 de vulg. erroribus cap. 6. pag. 52.* Quando nim. nec alimenti  
 penuria, nec vacuatione immoderata, nec aliarum caussarum  
 evidentium vi, nec acuto morbo, nec febre hectica nec phthisi  
 corpus emarcescit, sed lentè ac pedetentim corpus etiam  
 sumto alimento alitur: Eaque in scorbutò est totius corporis,  
 de qua *Eugalenus pag. 159.* ubi simul tradit, quomodo ab aliis  
 Atrophix speciebus distingvatur, *Sennertus l. c. §. 62. M. Mar-*



*tini diff. de scorb. th. 82. 717. quandoque crurum: & tum tibiae*  
*solent splendescere ob intemiam nimium cutem, nisi tamen*  
*aspredinibus aut squammulis obsita sint, Salomon Albertus*  
*diff. 1. de scorb. th. 123. Fit hæc atrophia citra omnem veteri-*  
*bus cognitam rationem, & æstuantem calorem cordi infixū:*  
*benignorum succorum loco falsis & acribus genitis: hi enim*  
*tabificam vim habent: cum sal extenuet, siccetque: vulgò di-*  
*citur der schwindende Schorbock. Vid. Conring. diff. de scorb.*  
*thes. 34.*

41. CALOR NOCTURNUS p. n. febrili tamen absimilis, sine  
ullo horrore, frigore, vel rigore, duratque usque ad tempus  
matutinum, & plerunque sudore superveniente discutitur.  
Et quidem ut *Sennertus tractatu 2. de scorbuto* habet, servat hic  
calor interdum certa intervalla more quotidianæ, nec tamen  
quotidianæ febris proprietates habet. Accidit procul dubio  
falso hoc humore ebulliente, & sese commovente *Sennertus*  
*l. c. §. 49.* Cui tamen in hoc assentiri non possumus, quod  
vult ebullitioni huic ansam dare chylum elaboratum,  
ad lienem & venas mesaraicas tendentem: ex falsa enim hy-  
pothesi disputat chylum per aliquot horas in ventriculo mo-  
rari, tum demum deferri ad mesaraicas, & lienem per ramū  
splenicum: quod non est. CŒCITAS SUBITANEA ex scabie ad  
interiora reversa. *Sennertus l. c. §. 5. & 27.* COLICA, de qua ta-  
men postea, ubi de dolore agetur *th. 42.* CONVULSIO, seu CON-  
VULSIVI POTIUS MOTUS, sæpè *totius corporis*: tale exemplum,  
habet *Gregorius Horstius obs. tom. 1. lib. 2. obs. 8.* & ex morbis  
universis nulli æquè Icorbuto, ac convulsorii, aliiq; his com-  
munes motus sunt familiares: *M. Martini l. c. th. 102.* Maximè  
tamen nautis infesta convulsio, qui interdum ab hac adeò  
contrahuntur, ut in gyrum circumvoluti nullum ferè mem-  
brū habeant, quod extendere valeant. *Eugalenus pag. 117. 129.*  
Sunt a. motus hi plerunq; cum febre cōiuncti: & eadem faci-  
litate, quaprehendunt, remittunt, iterumq; recurrunt. *Eugale-*  
*nus pag. 129. obs. 53. Sennertus l. c. §. 24.* Solentq; præcedere eos,  
vel totius corporis concussio, vel tremor, vel paralyssis, vel  
brachia, & manus obrigescent quasi, sed brevi tempore, & sæ-  
pè



pè præter omnem rationem in morbum alium, cataphoram, paralyfin modo evanescentem modò præter expectationem redeuntem transeunt. *Eugalenus p. 120. Sennert. l. c. §. 24.* Nonnunquã & particulares convulsiones excitantur, quæ tamen quandoq; absq; febre, quandoq; cû febre sunt: & post gravissimos dolores accidunt. *Eugalenus pag. 128. 130.* sic genua retracta ad faciem conspiciuntur. *Sennert. l. c. §. 5.* Convulsio circa calcaneum. *Eugalen. p. 129.* Spasmus cynicus *Idem p. 130.* partium & musculorum linguam moventium: sic & convulsio mesenterii & aliarum, de quibus dicetur adhuc. Causa convulsionis non est repletio vel inanitio nervorum: quia nervi nec secundum naturam possunt musculos movere, multo minus præter naturam: nec morbida cerebri & spirituum dispositio, à qua imaginatio appetitui juncta sic vitietur, ut musculis violentam illam contractionem, per quam membra invitis nobis distorqueantur, imperet: Non deniq; facultatis expultricis partium fibrosarum & nervosarum in musculis à re molesta irritatio, quæ facultatem animalem in consensum trahat, atq; ad violentam illam contractionem incitet: Sed flatus humori scorbutico juncti, & in musculorum substantiam, eorumq; fibras, ac interdum ipsa vasa se insinuantes: Hi enim exitum non invenientes distendendo musculorum ventres eos convellunt. **CORDIS PALPITATIO** per intervalla repetens. *Eugalen. obs. 3. Sennert. l. c. §. 32. Matth. Martini th. 24.* Cor sc. maligni hujus humoris occursum laceratum fremit, & luctando tumultuatur motu violentissimo ad expulsionem veneni exitum inferentis. **CRURUM DEBILITAS** & impotentia ad ingressum citra aliquod extrinsecus apparens vitium *Eugalen. pag. 93. & passim.* Causa hujus scelerotyrbes est serum frigidius, gravitate sua in hæc loca ruens, & ceu oedemate intumescere faciens, dum in musculos sese undiq; insinuat, nec ita prompte circulari potest. **EORUNDEM RIGIDITAS**, unde fit, ut genua ita contrahantur: tendinibus nimirum musculorum rigidis, & callofis in poplite evadentibus: idque fit, quando serosis, & aqueis humoribus absumtis, vel alio modo separatis crassus & tartareus humor

mu-



musculis & tendinibus adhærescit. *Sennert. l.c. §. 25. Salom. Albert. diss. de scorb. tb. 115.*

42. DENTIIUM VACILLATIO tanta, ut visum fuerit, una nocte omnes excisuros, qui tamen alveolis suis firmiter altero die hærebant, *Eugalenus obs 47. Sennertus l. c. §. 5.* Interdum unus tantum vacillat in quem fit influxus. *Eugalenus obs. 40.* accidit hæc vacillatio, radicibus dentium aut madidis nimium, aut simul putridis. DENTES SÆPE ETIAM NIGRESCUNT, & quasi siderationem patiuntur, sola tamen superficies colore tincta est *Sennertus l. c. §. 9.* nim. ut alias videmus Spiritum victrioli, salis, tingere albicantia nigro colore: ita à falso hoc humore contingit, si radicibus dentium albis ad hæreat. DELIRIA inopinata, eorundemque præter rationem intermissio, præsertim febribus ingruentibus & post cathartici vehementioris usum *M. Martini tb. 34. & 83. Senn. l. c. §. 30.* interdum cum nullo æstu sine molesta aut inquieta jactatione infestantia, ab occulta porius qualitate, quam caloris vehementia procedentia: sive à turbato circa cor, & partes superiores sanguine: tunc enim & mentem obturbari necesse est: Cum sanguis in homine maximam partem ad prudentiam faciat: teste Hippocrate. *Conring. diss. de Scorb. tb. 34.* INDIGITORUM EXTREMIS, ut & articulorum intervallis puncturæ sæpe molestant infestæ. *M. Martini diss. de Sc. tb. 41.* DOLORUM tam varia genera in universis ferè membris persentiunt Scorbutici, ut scripto omnes comprehendere res sit maximæ operæ, & fermè impossibilis: qui varias etiam induunt facies, non semper quidem, ut *M. Martini vult diss. d. tb. 274.* ob vapores è minera mali ascendentes: sed ob varietatem & diversitatem salini humoris: Non continuo etiam infestant ob humoris tenuitatem, qui facilè ex partium substantia in venas rursus protruditur: Interdum enim dolores non in una sede morantur, sed variarum partium velliatio, & lancinatio percipitur, ægriq; carnes sibi quasi divelli, & dilacerari conqueruntur, alii tales se dolores percipere dicunt, ac si digitis carnes evellerentur: alii de pungentibus, alii de exedentibus doloribus conqueruntur: alii ne quidem

eos



eos explicare possunt. *Sennertus l. 3. §. 13.* Huc pertinent illi  
 DOLORES VAGI, qui Dithmaris & Westphalis Vari, die Iopen-  
 de Jähren/ab aurigando, quod nusquam non in corpore huc  
 illuc, ultro, citroque, susq; deq; atque imprimis per artuum,  
 compagine, velut catullientes cumensione pererrantium,  
 formicarum aurigantur, Brulacteris per αἰτίφρασις gute Rin-  
 der/in tractu Göttingensi gute Hölde / & alibi die Kadden  
 nominantur. *Salom. Albertus disp. 1. de scorb. th. 29.* probè pu-  
 tat posse vocari δερμοσφάλιας, ἢ σφάλιας ἀμφοτέρωθεν, cu-  
 tambulos, & veredarios vermes. *Vide de his tom. 1. observ. Gre-*  
*gorii Horstii epistola, sect. 2. pag. 353. Schenkii observ. l. 5. de arthri-*  
*tide obs. 119. Sennertum tractatu de Arthritide quest. 6. pag. 81. Pla-*  
*torum l. 1. obs. pag. 89. 91. Forestum l. 20. observ. n. l. pag. 414.* Nunc  
 verò CRURUM dolor obtusus, nunc tensivus, nunc ὀστέον  
 oritur, qui præcipuè sub noctem affligit, ac adeò ingravescit,  
 aliquando, ut ne horam in lecto quiescere possint, & crura si-  
 bi q. malleo contundi conquerantur *Eugalenus pag. 78. Sennertus*  
*l. c. §. 13. M. Martini d. l. th. 274.* Cur autem dolores præci-  
 puè sub noctem ingravescant, causa est motus humoris hu-  
 jus. SURARUM etiam præcipuè inter eundem cruciatus obtin-  
 gunt, & cum plerunque suræ tensæ, & duræ absque inflam-  
 mationis nota à sale & crasso humore eo decubète deprehē-  
 duntur, quod pro certissimo signo scorbuti habent *Eugalenus*  
*p. 91. Sennertus l. c. §. 13. Martin. l. c. th. 40.* CIRCA TALOS &  
 JUNCTURAS, PLANTASq; PEDUM mordicans dolor: qui solet  
 præcedere maculas, quas vocant die Nachtgriffe oder Albfle-  
 cke/ *Sennertus l. c. §. 13. Brunnerus tractatu 2. de scorb. serum*  
 enim acre prius juncturis molestiam creans postea ad cutem  
 projicitur. Item CIRCA MANUUM & DIGITORUM EXTREMA,  
 qui aliis sub noctem, aliis circa vesperam, aliis post mediā no-  
 ctem advenit. *Eugalenus p. 78. Sennertus l. c. §. 13.* COXENDI-  
 cum qui sunt continui & graves. *Eugalenus p. 141. obs. 13. 14. 15.*  
*Sennertus l. c. §. 13. M. Martini l. c. th. 40.* GENIUM *Eugalenus obs.*  
*17. 33. Sennertus l. c.* NUCHÆ, qui sunt tensivi, & prementes, *Eug-*  
*alenus p. 79. Sennertus l. c.* VENTRIS ETIAM DOLOR & TORMI-  
 NA, quæ interdum tanta sunt, ut agri distentionibus istis in-  
 E pe.



peritonæi rupturam incidant: non tamen continuo, sed per intervalla vexant, sæpè tamen ad diem quadragesimum, & ultra extenduntur, modo has, modo illas abdominis partes, imò sæpè universum imum ventrem corripientes, venterque adeò deprimitur, & cum umbilico introrsum revellitur, ut umbilicus lumbis videatur quasi annexus, venterque excavatus: à quo affectu nomen etiam scorbutus mutuasse videtur: *Sennertus l.c. §. 14. Et lib. 3. prax. pag. 453.* De subjecto torminum horum digladiantur: dum alii in tunicis intestinorum materiã hæere putant: & licet non negem, posse simul partem quandã humorũ ibidem delitescere: si tamẽ hæ unicũ subjectũ essent, non explicari posset, qua ratione venter introrsum ita convelleretur: Dicerem itaque oriri hoc malum ex convulsione mesenterii: retractis nim. versus originem mesenterii fibris, venter quoque totus non potest non quasi contrahi in lumbos, dolorque toto in abdomine ingens excitari, utpote cum intestina convulsionem hujusmodi sine dolore vix pati queant. Et convulsio talis fit, quando sero scorbutico ebulliente flatus generantur, & intra fibras mesenterii insinuantes sese, easque distendentes contractionem hanc violentam efficiunt. Desinit autem hic dolor in arthritidem & Epilepsiam: quando una cum humore tenui hinc inde moto simul illi flatus per arterias protruduntur, aut in caput, unde comitialis morbus est, aut in articulos, unde dolor eorum. Et quidẽ serum hoc sæpè in flatus resolvi docet non solum convulsio aliarum partium, sed & ructus scorbuticis familiaris. HYPOCHONDRIUM quoque nunc unum, nunc alterum dolore obscuro afficitur: qui tamen dolor non uno loco circumscriptus hæret, sed modo in lumbos & inferiora corporis, modo per universum corpus oberrat. *Sennertus l.c. §. 15.* Non rarò LUMBI dolore afficiuntur: qui dolor sæpè à scapula incipit, & sensim ad lumbos serpit, interdum etiam ad os coxendicis descendit: vocaturque malum hoc, quia eò afflicti vix progredi, & se de loco moveri possunt, Græcis λόγδωσις, Latinis Lumbago. *Sennertus l.c. §. 16.* tabemque dorsalem, seu spinalem, aut ossis sacri Hippocrati dictam conciliat. Lumba-



ginem hanc fieri docent Doctores, quando materia in acetabulū coxendicis protruditur: obstruuntur enim tum orificia vasorum, sanguinem ad spinam deferentium: nec sanguis ex arteriis ad venas propelli potest. Non verò, quod *Sennertus* vult *l. c. §. 16.* à catharro è capite per venas in spinalem medullam descendente: Nulla enim vena à capite aliquid defert ad spinalem medullam: itaque proluxa non eget refutatione. NEPHRITICIS quoque similes dolores scorbuticos infestant. *Sennert. l. c. §. 17.* Nonnullos CAPITIS DOLOR circa vesperam infestat, præcipuè verò ex hæmorrhoidum suppressione scorbuto affictos: & tota postea nocte calor quidam p. n. instar febrilis in toto corpore percipitur, qui sudationibus matutinis finitur. *Sennertus l. c. §. 18.* Dolor autem hic capitis vel est continuus, vel per stata intervalla recurrit, circa verticem ut plurimum infestus, qui deinde per temporum, musculos ad DENTES properat. *Eugalenus obs. 40.* Unde & in iisdē dolores nunc periodici, nunc continui: vagi tamen plerunq; nec eodē loco subsistentes, dentemq; nunc hunc, modo illum relaxantes, qui rursus sponte firmatur, *Eugalenus obs. 11.* *Sennertus l. c. §. 19.* Interdum dentes cum dimidii & alterius lateris maxillæ doloribus afficiuntur *Eugalen. pag. 79.* MUSCULORUM LARYNGIS dolorem *Eugalenus* observavit *obs. 11.* Sicut ibidem SCAPULARUM lancinationes *M. Martini d. l. th. 40* PLEURITICUS quandoque dolor persentitur, qui tamen in omnibus ferè à vera pleuritide discrepat, ut tradit *Eugalenus pag. 82. & seqq. obs. 41. 59. 66.* *Sennert. l. c. §. 20.* *M. Martini d. l. th. 41.* DORSI dolor adeò gravis est nonnullis, & molestus, ut mori se magis, quam diutius cum eo vivere optent. *Eugalen. pag. 81. qui obs. 51.* dicit sæpè hunc febres scorbuticas comitari: quæ tamen lentæ sint, cum pulsu molli, & inæquali. ARTHRITIS denique sæpè infensa scorbuticis: verum rarò in uno loco ad morbi solutionem subsistens, sed ab extremis digitis ad brachia & crura adscendens: maximè in initio morbi. Conjuncta hæc est quandoque cum levi paralyfi, quæ cum dolore cessat & redit, atque in eandem partem, in quam dolor, migrat. *Sennert. l. c. §. 21. Salom. Albertus disp. de scorb. th. 91.*



Si verò diutius medicorum ignorantia, vel ægri inobedientia, vel alia de causa, morbus hic perseveret, qui in initio discurrentes, intermittentesque dolores fuere, postea stabiles in debilitato longiore morâ membro fiunt. *Eugalenus pag. 139.* Mirari autê hic subit, & irridere vias, excogitatas à Medicis, per quas nim. humor Arthritidis causa ex cerebro fluat in articulos: dum alii, ut Fernelius, per subcutaneas membranas: alii ut Joel *l. 10. prax. sect. 2. pag. 384.* per membranarum nervos: alii per alias defluxionem fieri voluerunt: cum facili negotio horum omnium ratio ex Harveo deduci possit. Et quis omnes dolorum species recenscat: illorum tamen omnium, quotquot sunt, agnitio est ex pulsu parvo, & inæquali. Nam urina sæpè nullam scorbuti in doloribus illis significationem præbet. *Eugalenus obs. 40. pag. 333. & 431.* Ad Dorsum etiam non rarò in scorbuticis retrò caloris sensus, in parte corporis anteriore sensus frigoris persentiscitur. *Eugalenus pag. 43. Sennertus l. c. §. 50.*

43. EPILEPSIA pueris præsertim familiaris qui à parentibus Scorbuto inquinatis generantur, vel à nutrice eodem malo infecta alimentum capessunt. *Sennertus l. c. §. 24. M. Martini l. c. th. 109. Eugalenus pag. 119. & seqq.* ubi simul docet, quomodo discernenda sit hæc Epilepsia ab Epilepsia veterum. Transit autem aliquando præter rationem subito in Cataphoram, Paralytin, vel abscessum sæpius sponte evanescentem. *Eugalenus p. 120. Sennertus l. c. §. 24. M. Martini l. c. th. 78. & 113.* Causa Epilepsiæ non est ventriculorum cerebri semiplena obstructio ab humore crasso & viscido: quæ Galeni sententia jamdudum ab aliis refutata: nec etiam vellicatio eorundem ventriculorum, aut quod aliis placet membranarum cerebri, & nervorum à re acri, & cerebro insensa: qui enim talem fingunt vellicationem, ut alia taceam, non possunt omnium Symptomatum Epilepticorum imprimis cordis affecti, causam reddere: Sed si quid dicendum, est probabilius, fieri ab interceptione vasorum è corde in cerebrum tendentium, aut in eo dispersorum; Hæc autem si intercipientur, non potest ex corde eo, quo debebat, modo san-



sanguis distribui: itaque collectus in corde necessario inducit nativi caloris suffocationem, simulque oppletis pulmonibus graviter respirationem lædit: In illam suffocationem reducere facile est postmodum omnium reliquorum causam quæ circa morbum comitalem contingunt: sensuum scilicet oblætionis: (læduntur enim eodem ut in Apoplexia, modo, cujus causa supra data) motuum itidem convulsivorum: (suffocato videlicet corde & respiratione impedita aer in thorace detinetur, unde pectus distenditur, & aer violenter per vasa in musculos detruditur, eosque inflat: detenta verò tali flatuosa humiditate in musculis convulsivi oriuntur motus: quanquam & hoc non sit negandum, membrorum illam quassationem in epilepsia non tantoperè à convulsione esse, quam ab insigni metu, & angustia cordis: ita ut ægri adeò perculsi semetipsos percutiant, etiamsi postea haud reminiscantur, quid egerint: Carotidum autem hanc obstructionem, & inde proveniente Epilepsiam in Scorbuto fieri credimus cum *M. Martini l. c. th. 58.* ab atro, glomeroso, & grumoso sanguine varicum modo prius venas attollente, postea versus cerebrum raptò, & in carotidibus subsistente: vel ab humore Scorbutico ebulliente & ascendente cum impetu, carotidas opplente, & cor suffocante. Aliàs non negamus interdum Epilepsiam progigni à vapore maligno, cerebro tamen, & membris principibus infenso peculiariter: Hic enim licet sæpe ab extremo pede ascendens totum corpus sine noxa permeet, ad cerebrum tamen propulsus, cum illi adversus sit, sanguinem ibidem perturbat, & si levem quandam perturbationem & commotionem excitet, vertiginem parit: quod si valde, & cum impetu ad carotidas feratur, adeò ut obstructionem inducat, Epilepsiam gignit: quanquam & fulminis instar tales vapores constringere & congelare sanguinem, affirmari possit. Ex his quoque liquet, quomodo Epilepsia Scorbutica in alios morbos degeneret. Si enim ex arteriis carotidibus humor propellatur ad venas jugulares, ibique subsistat, Cataphoram inducit: Cum quoque denegato caloris vitalis influxu in cerebrum, id ipsum & ner-



vi non possint non insigniter refrigerari & debilitari, Paralysis facile generatur: Abscessus denique, si humor in partem aliquam rejicitur, eamque attollit. ERYSIPELAS nonnullos singulis ferè septimanis: alios singulis mensibus, longiore alios intervallo, cum horrore, magno langvøre, & anxietate, nonnunquam levibus animi deliquiis invadit, *Eugalenus pag. 192.* & nunc hanc, nunc illam partem occupat, prout imbecillior invenitur. Oritur autem ex sanguine serosiore ebulliente, & ad partem aliquam projecto.

44. FACIES quibusdam eo colore fœdata est, quem suilli petasonis fumo indurati, & cocti corium repræsentat: albis tantum circa oculos & nasum circulis, ac lineis, puerilis digiti crassitie, remanentibus. *Sennertus l. c. §. 5.* Interdum pallida, & livida quasi est, aut ex pallido in fuscum vergens, & maximè circalabia, vel palpebras: quamvis ab hoc morbo non solum facies, sed & totum corpus palleat, atque perinde, ut in Cachexia, justo reddatur luridius: nonnunquam tamen per intervalla facies rubore quodam & calore, seu phlogosi momentanea perfunditur, quod symptoma Germani die fliegende Hitze appellant. *Sennertus l. cit. §. 45. M. Martini l. c. th. 261. Horstius. obs. tom. 1. lib. 4. obs. 4.* Sæpe etiam calor hic cum langvøre inusitato tandem in atrophiam, quam sudor copiosus præcedit, nervorumve resolutionem definit. *Eugalenus l. c. M. Martini ibidem.* Causa hujus caloris est effervescentia Scorbutici humoris. Facies etiam non rarò intumescere & inflari subitò solet: qui tumor tamen repenti evanescit. *Sennertus l. c. §. 56.* FAUCIUM EXULCERATIO *Sennertus ibidem §. 3.* ET LIVOR, qui tunc mortis ferè periculum haud longe abesse indicat, cum in iis appareat, quibus universum corpus putri lagine permaduit: *Wierus de scorbuto ubi de signis agit.* FAVUS, non tantum universum caput sed & totam frontem occupans. *D. Doringius apud Sennertum l. c. §. 5.* FEBRES sæpissimè scorbuto conjunguntur, sicut & quandoque in scorbutum degenerant: quæ tamen in multis differunt à febribus illis antiquorum: nisi quod interdum falso quotidianæ, tertianæ aut quartanæ typo ludant



casque dierum imitatione potius, quam signorum proprietate exprimunt. Sicut id multis docet *Sennertus l. 6. §. 20.* & alii: plerunque *tertianæ* adsunt, cum quibus communicant febres illæ, quæ sub vernum tempus incipientes primum tertio quoque die tertianæ febris typo occurrunt: post septimū vero paroxysmum, nisi cum eo desinant, quotidie infestant, & ad festum D. Jacobi circiter ferè extenduntur, ac perseverant, nisi legitimè curentur: aut etiam si hanc temporis mutationem superaverint, fere annales sunt, ad proximum, ver transeunt. *Eugalenus obs. 56. pag. 380.* interdum *QUARTANÆ*: *QUOTIDIANÆ* etiam comitantur scorbutum: *CONTINUÆ*, vel ex continuæ, & intermittentis typo mistæ. *PESTILENTIALES* itidem & *MALIGNÆ*: quæ tamen febres omnes non tam per crisin terminari videntur sæpenumero, quam novos ex labefactatis visceribus producere morbos, prioribus non raro priores. *Wierus tract. de scorb. de signis.* *FISSURÆ* non raro *LINGVÆ*, ET *LABIORUM* in febre continua ob æstum interaneorum ad parvi ferè digiti crassitiem dissiliennes, quæ tamen assumpto potu è vestigio coalescunt. *Eugalenus obs. 62. 64. 69.* *FLATUS* in utroque latere abdominis nec in anteriorem, nec in posteriorem corporis regionem diffusi, ventriculi affectionem monstrantes, præcordia coangustantes, ac libertatem respiratus impediennes. *Eugalenus obs. 70.* *FRIGORIS* sensus, ac si frigida intus ad spinalem medullam effunderetur *Sennertus l. c. §. 50.* quanquam ut supra dictum *lib. 41.* *Eugalenus* contra in quodam retro ad dorsum sensum caloris, in anteriore corporis parte frigoris observavit.

45. *GANGRÆNA*, & mortificatio vel unius, vel plurimum corporis partium, præcipuè digitorum pedum: *Sennertus l. c. §. 61. Et lib. 5. prax. pag. 272.* gangrænæ hujus causa sunt multæ terrestræ siccæ & salsæ partes sero scorbutico conjunctæ: ideoque nec febrem parit, præ siccitate nihil illius falsi in corabeunte: nec nisi tardè serpit, aut tollit vitam, nec effluit quicquam, nec ad est foetior: quod causa morbi non quid humidum, sed siccum sit: sicca vero stant, suis terminis, non diffluunt, non foetent. *Conring. diss. de scorb.*



*scorb. th. 22.* GENARUM RIGIDITAS : quando scilicet cardo oris, in quo maxilla inferior sub via audiendi vertitur, non aliter, atque compago genuum obrigescit, iisdemque os strictius connivet, quo minus in rictum dispani queat. *Sennertus l. c. §. 26. Salomon albertus d. l. th. 112.* Est autem hæc propria eorum, qui scorbutum vel ex parentum semine, vel lacte hauserunt. *Salomon Albertus l. c. th. 157.* Et his talibus ex conniventia oris, mandibularumque rigore, etiam explanatio in pronunciando magna ex parte vitatur, atque ita oblæditur, ut pristinam gratiam prorsus amittat : simulq; inter manducandum & oscitandum dolorem concitat immamem *M. Martini de scorb. th. 39.* Et si quid aliud, hic rigor indicat crassum falsumque humorem, : GINGIVARUM RUBOR PRURITUS, EROSIO AC PUTREFACTIO, FŒTORQUE : quæ etiam interdum præ nimia luxurie humorum diffuentes adeò gliſcunt, ut vel levissimo scalptu, attrituve fatiscentes rimas agant. Quod vitium Germanice *Äfeley* nominatur : & tunc tantam copiam ichoris cruenti salivant, ut in dies singulos excipiendo ei aliquot heminæ vix sufficiant. *Sennertus l. c. §. 9. Et lib. 2. prax. part. 1. cap. 16. & seqq. Sa. omon. Albertus d. l. th. 103. M. Martini l. c. th. 46.* Si huic vitio non occurritur, putredo augetur, ut caro à dentibus ad maxillam usque recedat. Immo Colerus scribit, se Bertini vidisse viri senatoris cujusdam filiis maxillam penitus excidisse : quandoq; gangræna sequitur. *Matth. Martini ibidem.* Omnia hæc gingivarum mala facilè quis deducet ab humore falso scorbutico : à sale enim pruritus, erosio, putrefactio, à putredine fœtor : quamvis non solum gingivæ, sed & totum os fœteat. GRAVITAS CORPORIS malum inseparabile ferè scorbuti.

46. HŒMORRHAGIE variarum partium scorbuticis obtingunt : imprimis NARIUM sunt frequentes : LABIORUM etiam, non conspicuo tamen ostio *Sennertus l. c. §. 5. & 43.* Sicut & è vena in crure aperta per aliquot dies sanguinem fluxisse scorbutico *Sennert. ibid.* observavit, cujus tamen vix orificii vestigium appareret. Ex GINGIVIS : qui quidem fluxus gingivarum interdum est Criticus & non statim sistendus.

*Huic*



*Huc pertinent exempla à Dodonæo obs. 14. Amato Lusitano cen-  
tur. 5. curat. 5. observata: item à Julio Alexandrino in annot. ad  
cap. 11. lib. 2. method. med. Galen. & à Sennerto l. 2. prax. pag. 83.  
conscripta. HERPES brachii sinistri. Sennertus l. c. §. 5. HORRO-  
RES frequentes etiâ sunt, quos interdum nullus, aut quam-  
minimus calor sequi solet: & eodem die interdum bis, vel et-  
iam sæpius invadunt. *Eugalenus obs. 1. 2. 30. 48. 49. Sennert l. c.  
§. 48. Nonnunquam tamen, teste Eugaleno, subsequitur ca-  
lor, sed cum multa in præcordiis anxietate conjunctus, non  
infido hujus mali caractere: non rarò visi sunt horrores post  
æstuantem calorem: quin & plurimi exhorrescentia & tre-  
more sex aut pluriû horarû ante febrilis caloris accessione mi-  
rum in modû enervantur, cû multa siti, & molesta lingvæ, la-  
biorûq; ariditate. HYDROPS, *Eug. p. 188. Oritur quando coacer-  
vatum serum scorbuticum in abdomine, & vasis mesenterii  
vel proprio motu incandescens, vel à purgante exacerbatum  
in omentum & abdominis capacitatem diffunditur osculis  
vasorum apertis, vel renibus suum non facientibus officium, &  
hinc videmus cur interdû post purgationes hydrops in scor-  
buticis subsequi soleat: Vid. Conring. disp. de scorb. th. 34. Hy-  
drops scorbuticus, quibus à communi discei natur, docet  
M. Martini l. c. th. 80. De Hydroke vesicali inf. th. 55.***

47. INTESTINUM RECTUM ita quandoq; sursum revel-  
litur, ut non solum fœcibus exitum intercludat, sed & aditu  
glandes & clysteres prohibeat, ut non nisi vi intus adigi pos-  
sint, cujus causa patet ex iis, quæ th. 42. de ventris tormini-  
bus diximus. ICTERUS non solum FLAVUS *Sennertus l. c. §. 5. Sed  
& NIGER Idem ibid. §. 46.* ab eadem enim hi causa oriuntur,  
& frustra hic distingvi arbitror | cum | *Hofmanno patholog.  
parv. cap. 22. §. 6. pag. 91. Icterus flavum, & nigrum: Cum  
apud veteres unicus sit color, ὡχρος, qui est ex viridi pallidus,  
modo magis, modo minus: unde diversitas quædam colo-  
rum oriri videtur.*

48. LABIA, genæque cum superioribus oculorum pal-  
pebris sublurido colore tincta, etiam media ætate. *Eugalenus  
obs. 8. & 19. LANCINATIO partium initio accessionum febriliû  
scorbuticarum, Idem p. 214. LASSITUDO SPONTANEA citra evi-*



dentis morbi significationem invalescens, quaque pristinum  
 robur, ac florem sibi potius adimi, quam ægrotare sic affecti  
 conqueruntur: Malum hoc in initio quidem lentum, & le-  
 videntense est, progressu tamen temporis, ubi vires acquisiverit,  
 multarum septimanarum ac mensium spacio ægrotos lecto  
 affigit, & nonnunquam haud sine præsentis vitæ discrimine,  
 in graviora mala, ut obtusum crurum dolorem, vel facilem  
 lipothymiam, (maximè quoties se ele erigere in rectum sta-  
 tum, aut de lecto surgere volunt:) & ulterius eo perseveran-  
 te in atrophiam, aliasque difficultates, ac mortem denique,  
 ipsam præcipitat. *Mat. Martini th. 259.* Provenit ab eodem  
 humore scorbutico, seu multo sero per arterias in ambitum  
 corporis & musculos protruso *Conring. diss. de scorb. th. 25.*  
 LINGVÆ, PARALYSIS, & APHONIA, de qua supra *th. 40.* LIPO-  
 THYMIA quam pro certo signo habet *Eugalenus pag. 75. & 321.*  
 Qui enim in parvo, inquit, quantum ad sensum morbo, ac fe-  
 bre, à qua decumbentes parum, aut nihil pati videntur, subi-  
 to ac præter rationem animo linquntur, aut ad animi deli-  
 quium proni sunt, hos scorbutico laborare, certo tibi persvade-  
 dere potes. Maximè autem, ut dictum antea, infestat ægros,  
 cum in lecto se erigunt, vel è lecto surgunt, *Sennertus l. c. §. 32.*  
*M. Martin: l. c. thes. 70. & 241.*

49. MACULIS colorari scorbuticorum corpora frequen-  
 tissimum: prodeuntque interdum etiam homine obambu-  
 lante, & nullum aliud sanitatis detrimentum patiente. Sunt  
 autem in principio rubicundæ illis, quæ à pulicum morsu re-  
 linquuntur, similes; hinc decoloratæ flavent, tanquam in-  
 iis, qui vibicibus cæsi sunt, vel intenduntur, & saturatiores  
 evadunt, puta blavæ, plumbeæ: tandem virescunt, livent, at-  
 que ut in Elephantiasi umbrosæ fuscantur, & ad nigrum ten-  
 dunt, *Salom. Albert. th. 118.* Oriuntur, quando per tenuiora va-  
 sorum oscula serotus humore effanditur, qui cum sangvineo  
 plerunque sit colore, apparent & illæ primum pur-  
 pureæ, mox sublividæ, tandem nigrescentes, ut solet colorem  
 mutare sangvis extra vasa sua profusus: interdum & flavæ,  
 aut virides, in biliosum recrementum abeunte sangvineo se-  
 ro: quanquam & interdum statim ab initio flavæ sint: idque

la-



laborante hepate, nec bilem apprimè separante : Prodeunt  
autem quandoque sensim, & latenter, quandoque confertim  
ac simul : prout major minorve humorum ebullitio existit.  
Et modo erumpunt, modo evanescent : non quod semper  
dissolvetur serum, sed quia rursus in venas ob mobilitatem pro-  
trudatur : quod si maneant maculæ, nec dissipetur serum, quā-  
doque abeunt in uclera sanatu difficilia : nonnunquā in squā-  
mas resolvunt cutem, quæ à reliqua cute non secus ac in Ery-  
sipelate separantur, *Salom. Albert. l. c.* idque accidit ob siccita-  
tem salis eò protrusi. Frequenter apparent in cruribus : quod  
in illa gravitate sua facilè se insinuet humor, ubi deinde inca-  
lescens efflorescit per summa : interdum tamen etiam in dor-  
so, & brachiis : circa pectus, in collo, & in facie : interdum  
circa præputium incipiunt, & postea totum corpus inqui-  
nant : ac si malum pejus fiat, sæpè in totas tibias unica macula  
nigra diffunditur tetra, & aspectu horrenda cum tumore ad  
Elephantiasin accedente : *Sennertus l. c. §. 10. Salomon Alber-  
tus l. c. th. 53. 118. 201. M. Martini l. c. th. 295.* Eadem & inter-  
dum evanescent morituris : introrsum vergentibus humori-  
bus per venas ad cor, eidem succursuris : & rursus post mor-  
tem efflorescent : anima enim ablata humores à calore præ-  
ternaturali agitati huc illuc moventur, & ob tenuitatem ad  
cutem perveniunt, ibique hærent : quod & iis, qui insigni ac  
vehementiori aliquo veneno sublati sunt, accidere solet.  
*Sennertus lib. de febr. 4. cap. 4. pag. 419.* Maculas autem has non  
rarò præcedunt dolores mordicantes, quos sæpè post triduū  
sequuntur vestigia talia suggillatorum, quæ vocantur die  
Nachtgriffe/ sæpè enim 4. sæpè 5. digitorū per longitudinē  
ventris, femoris, aut brachiorum, ductorum vestigia apparēt :  
iis verò prodeuntibus, cessant dolores, *vid. sup. thes. 42.*  
MEMBRORUM TRISTIS JACTATIO, & CONCUSSIO, cum levi re-  
solutione conjuncta, constans ex paralyfi, & convulsivo mo-  
tu. *M. Martini th. 43.* MEMORIÆ LASIO, ea tamen interpolata  
magis, quā continua, & ex nulla manifesta causa procedens.  
*Sennert. l. c. §. 31. M. Martini th. 34.* MENSES ALBI, SALSI, &  
ACRES in mulieribus : quibus viri facilè inficiuntur. Et in mu-



lieribus menses subsistunt sanguinei. *Sennert. l.c. §. 44.* MOR-  
PHÆA ALBA circa brachia, & extrema manuum. *Eugalen. obs.*  
*1. pag. 231.*

50. OCULORUM INTUMESCENTIA AC Densa PERINTER-  
VALLA CALIGO, *M. Martin. tb. 36.* IN OCULIS SUB PALPEBRIS  
CARO LUXURIANS, & crescens, sanguinis colore, oculi albo,  
icteri faciem, palpebris verò iridis colorem referentibus, ex  
cœruleo, puniceo, & flavo mixtum, *Sennert. l.c. §. 5.* ODOR gra-  
vis corporis, præcipuè sudantibus, *Sennert. l.c. §. 47.* ORIS  
quoque FŒTOR & anhelitus, putredinis, & corruptelæ non in-  
dubius augur adest. *Salom. Albert. tb. 109.* EJUSDEM MOLESTA  
SICCITAS cum modica potus appetentia. *Matth. Martin. tb. 36.*  
Provenit hæc siccitas à vaporibus salinis per œsophagum &  
asperam arteriam ascendentibus, palatum, lingvam & os ex-  
siccantibus..

51. PARALYSIS quædam, in qua plerunque non omni-  
moda prorsus accidit motus ablatio, nec sensus planè aboli-  
tus, sed resoluta membra adhuc moveri aliquatenus, & ad  
musculorum capita leviter attrahi possunt. *Eugalen. pag. 95.*  
eique interdum dolor, & Arthritis conjungitur. *Idem pag. 99.*  
*Sennertus l.c. §. 22.* *Sal. Albert. l.c. tb. 117. & 294.* *M. Martini disp.*  
*c. tb. 44.* nec unitantum membro accidit, sed vel totum cor-  
pus, vel alterutrum latus, vel crura, vel brachia, vel digiti ex-  
tremi solummodo resolvuntur: Præcedere autem solet hanc  
vel Colica: vel tumores quavis parte erumpentes, qui eadem  
facilitate, qua oriuntur, evanescunt, & cum ortus sui principio  
levem & momentaneam paralyfin efficiunt, *Sennert. l.c. §. 22.*  
Vel etiam tremorem antecedere observavit *Eugalenus pag. 219.*  
Estque paralyfis tam macilentis, quam obesæ in hoc morbo  
familiaris, qui duriorem ob vitam mœsticiæ terminum, ac  
modum statuere nequeunt. *M. Mart. tb. 115.* non autem à ner-  
vis læsis fit, sed quando effusus in omnes, vel aliquos artuum,  
musculos humor scorbuticus & serofus eosdem diutius irri-  
gat, ut tendinibus laxatis partis attractio fieri nequeat: idque  
indicat 1. dolor musculorum, & concomitans quandoq; ar-  
thritis. 2. momentaneorum tumorum eruptio prævia. 3. &  
quæ



quæ subsequitur modò hujus, modò illius membri sive con-  
 tractio, sive convulsio. 4, δηλοῖ ἡ ἵησις. Nam in hac Paralyfi  
 non spinæ, sed artubus remedia applicantur cum fructu. Cur  
 eadem Paralyfis scorbutica sit adeò momentanea, causâ est,  
 non quemadmodum *Eugalen. pag. 96.* vult, quod per consen-  
 sum nervorum oriatur, cum veterum paralyfis à propria, &  
 primaria nervorum affectione procedat: sed potius mobili-  
 tas feri scorbutici, ob quam facilius ex substantia musculorū  
 retrudi in venas, & sic circulari potest: cum contra veterum  
 paralyfis fiat à crasso, & contumaci humore. PERITONÆI Ru-  
 PTURA orta ob diuturnas ventris lancinationes, ac circa ven-  
 triculum labores *Eugalenus p. 86. Sennertus l. c. §. 14. M. Mart.  
 th. 116.* PHTHISIS ab exulceratione pulmonum orta *Salom. Al-  
 bertus l. c. th. 145. M. Mart. th. 115. Gregorius Horstius obs. tom. 1.  
 lib. 3. obs. 15.* POLYPUM etiam se vidisse cum scorbutico conjun-  
 ctum narrat *Horstius obs. tom. 1. l. 3. obs. 15.* qui postea malè cu-  
 ratus non solum narium, sed etiam faucium interiora, atq; ipsâ  
 uvulam exulceravit, & absumpsit: postea ex destillationibus  
 æcribus ab illis partibus ad pulmones delabentibus phthisis  
 lethalis subsecuta est. Pulsus est varius, nunc debilis, & inæ-  
 qualis, ac sæpè vermicularis, ut repere magis, quam pulsare  
 videatur, cum nihilominus obambulando omnia domi, &  
 intra parietes officia æger obeat. *Eugalenus obs. 35. Sennertus l.  
 c. §. 12.* nunc magnus durus & ferratilis, absque inflammatio-  
 ne membranarum ossibus adjacentium. Imò mirandum ve-  
 nit in scorbutico, quod in animi deliquiis imminentibus, &  
 summis illis angustiis pulsus major, ac fortior sit, validiusq;  
 feriat digitos, quam reliquo morbi tempore, aut ubi deli-  
 quium cessat. *Sennertus ibid.*

52. CIRCA RENES inflammationis sensus quandoque  
 apparet, perpetuo ardore affligens, sub noctem autem, & ho-  
 ra somni corpus universum flaribus, distensionibus, evapo-  
 rationibus caput indidem ferientibus mirificè depravans  
*Eugalenus pag. 82.* RESPIRANDI DIFFICULTAS qua ex universa  
 accidentiū grege, morbum hunc concomitantiū, nil vulgatius  
 est, ita ut plurimi animo tandē delinquant, *Sennertus l. c. §.*



8. *Salomon Albertus d. l. th. 82. M. Martini th. 24. 65. 243.* Plurimi hic vapores ab inferioribus ad thoracis musculos ascendentes accusant: multi pravos humores in hypochondriis, seu in cavitate illa ab Hieronymo Fabricio ab Aquapendente descripta collectos, & diaphragma comprimentes: mihi aridet, dyspnæam hanc oriri, quando cor à pravis illis humoribus ebullientibus affigitur, ejusque motus quodammodo impeditur: humores vero tales non tantum cor opprimunt, sed simul ventriculum distendunt, unde ægrotorum angustia, & quod digito quasi commonstrant præcordia sibi coangustari. Ructus perpetui frequenter etiam adsunt: *Eugalenus obs. 1. Sennertus l. c. §. 36.*

53. SCABIES *Sennertus l. c. §. 5.* SEMEN AQUOSUM & vitiosum in viris, unde ad generandum inepti redduntur. *Idem ibid. s. 44.* SITIS molesta: qua tamen molestati parum bibunt, cum potu copiosiore offendantur, & humor scorbuticus salusq; magis irritetur. *Eugalenus obs. 47. 50. 64.* Certissimum hoc scorbuti indicium est, si putrefactionis quas urina habet, notis non respondeat sitis: maxime si obambulantibus, & omnia vitæ munia sine offensione administrantibus tales urinæ reddantur. Sitis autem rarior est, quod multum feri, seu aquei humoris cum putredine scorbutica conjunctum sit plerunque, quo temperatur ventriculi calor. *Conring. disp. de scorb. th. 31.* SONITUS exactissimi, & manifesti ad quosvis articulorum motus, & inflexiones: ac si digiti comprimerentur: vel quales ex confractis ossibus, aut nucibus evenire solent. *Sennertus l. c. §. 5.* SOPOR PROFUNDUS, plerunque cum febris lenta continua, nonnunquam etiam intermittente: quo adeò opprimuntur, ut nullis vellicationibus & clamoribus excitari queant. *Sennertus l. c. 8. §. 9. M. Martini th. 35. 239.* adeoque frequenter comitatur carus scorbutum, ut apud Belgas vulgus hunc ipsum causam efficientem scorbuti statuatur: *Eugalenus pag. 202.* Ego quum circa generationem somni nec Aristoteli, nec Galeno assentiri possim, sed statuam, somnum fieri, quando cor ligatur quasi,



si, & debiliter quodammodo movetur, nec ita promptè sanguinem ad partes exteriores, & superiores, cerebrumque propellit: (sive id fiat, quod cor motu continuo debilitatum quietem optet: sive quod obfiniatur dulci sono quiete, tenebris, & aliis oblectamentis: sive quod à multis vaporibus sanguini mistis, aut crasso aliquo, & frigido humore, qualitateve narcotica prædito obruatur quali, & torpeat) tunc etenim ob languidiorem hanc cordis expulsionem sanguis redditur torpidior, & in venis quodammodo subsistit: Unde sensus quasi ligantur, nec species ad sensum communem in corde residentem deferuntur: In scorbuto cari causam pono copiosius serum in venis jugularibus subsistens & corobruens: SPUTATIO, ET SALIVATIO CONTINUA: Sputum verò illud interdum insipidum, tenue, ac spumeum, quandoque falsum, aut foetidum, semper tamen aqueum est, ex putridis & corruptis humoribus promanans: non raro cruentum, *Sennertus l. c. cap. 5. §. 38. M. Martini th. 47. 257.* Citra oris exulcerationem etiam aliquando hæc salivatio apparet: quandoque & cum eadem, ac non sine gargareonis discrimine, conjuncta. *Idem ibid.* Notandum hic, quare tam copiosa aqua sali scorbutico conjuncta sit: frustra enim hic accusant quidam lienem, cujus vitio proveniat: sive enim regurgitare ex liene ad ventriculum humorem aqueum dicant: sive lienem ob frigiditatem non attahere aquosum chylum: nil tamen firmi afferunt: cum rationes non sat stabiles hæctenus prolatae, quæ lienem aquam attrahere demonstrent: Alii hanc collectionis seri causam afferunt; quod frequenti salforum usu interanea siccescant, indurentur, adeoque obturentur meatus venarum, & calefiant. At venis obturatis, & calefactis interaneis difficillime primo quicquid humidi assumitur, in vesicam abire, aut alvum, sed in prima corporis regione præ calore, ac siccitate vasorum subsistere, & paulatim stagnare; donec postea sal liquecat in aqua, & cum sanguine moveatur. Verum nec hi satisfaciunt. I. non semper enim subsistit sal in abdomine, sed statim cum sanguine per totum corpus fertur, quod inde deduco, quia quando cumu-

la-



latur in infimo ventre, gravitas abdominis adest, quæ tamen non in omnibus scorbuticis percipitur. 2. calor sentiretur in hypochondriis & abdomine. 3. non semper alvus supprimitur, & urina. 4. non in omnibus scorbuticis copiosi humores aquei sunt, sed quâdoq; in sanguine crasso delitescit sal scorbuticū : id quod ex superioribus patet. Itaque dico copiosum hunc humorem aqueum generari à frigiditate ventriculi cibos corrumpentis, & in eandem substantiam frigidam mutantis : Idem & vult *Sennertus l. 3. prax. pag. 519.* ubi de hypochondriacis dicit : *Cibos malè concoquunt, & non in chylum bonum, sed in materiam nunc aqueam, acidam, acerbam, ponticam, nūc viscidam mutant, quæ cū in halitus, spiritusq; resolvi nequeat, in ventriculo hæret, & sursum repit, linguamq; ac os saliva ac humiditate aquea copiosa replet, ut continuò agri salivam & pituitam exspuere cogantur.* Unde etiam huic malo non aliter potest occurrī, quam ventriculi frigiditate emendata, & correcto errore externo. Et hinc plerunque scorbuticorum sanguis tam tenuis, & ichorosus est : licet non semper, sed prout variè afficitur à sale scorbutico ventriculus : *SQUAMMÆ* interdum maculas sequuntur, quæ à reliqua cute non secus ac in Erysipelate separantur. *Salomon Albertus th. 219.* STRANGULATIONIS METUS, adeò ut in primis cibum sumturi de obstructione ventriculi ad os usque instar pali, totum œsophagi meatum obserante, & suffocationem minante conquerrantur. *Sennertus l. c. §. 30.* Convulsionem gulæ ortam ab acris vaporibus, & flatibus, fibras ejusdem distendentibus, ut ita contrahant sese & simul œsophagū : vel humores stipticos gulam constringentes, hujus causam statuimus : à qua facile malum communicatur trachæ : quale quid in Hydrophobia quoq; fieri *Cæsalpinus l. 3. art. c. 34. Josephus de aromataris observare. Conring. disp. de scorb. th. 31.* Et esse hanc suffocationem cruditatis ventriculi signum *Eugalenus obs. 41* testatur : cum in cruditate ventriculi facile flatūs acres gignantur, convulsionis causæ. STUPOR quidam momentaneus, nunc remittens, nunc subito apprehendens : paralyseos anteambulo. SUDOR COPIOSUS, qui etiam media hyeme suble-



levissimis tegumentis erumpit: plerumq; pedissequa est atroph-  
phia. *Sennertus l. c. §. 21.* imo eodem copiosius profluente una  
cum lenta febre nō rarò massa sangvineâ glutinis in modum  
inspissatur, qua etiam spissitudine & pravitate tendines mu-  
sculorum sæpè adeò contrahuntur, ut cibum taliter affecti ab  
aliis petere cogantur. *Eugalenus p. 212, M. Martini th. 262.*

54. TALIAD POPLITEM RETRACTIO *Eugalen. obs. 16. &*  
*p. 94.* TABES DOR SALIS sequitur quandoque lumbaginem.  
*Ronsseus ep. 4. de scorbuto.* TREMOR interdum paralyfin ante-  
cedit, interdum scorbuticis solum adest, subinde, & per inter-  
valla recurrens. *Eugalen. p. 219, Sennertus l. c. §. 23.* TRISTICIA  
& mœror, *Sennertus l. c. §. 29.* TUMORES: hi non sunt uniusmo-  
di: sed alii quidem momentanei, scorbuticæ paralyseos an-  
teambulones, quibus & facies interdum intumescit, à tenui  
& mobili orti fero: alii quasi œdemate corripunt pedes: alii  
verò duri, renitētes, nec nisi moto corpore dolentes, venereis  
non absimiles, nisi quod Gallici pingve quid contineant: alii  
deniq; duri, subrubri, aut nigri, crustosi, in ingvine, cruribq;  
erumpentes ad instar pestilentium bubonum. Et hi quidem  
ultimi tumores oriuntur ex sicca potius materia, quam hu-  
mida: ideoq; nec pus concipiunt, nec ita facilè, ut reliqui, de-  
tumescent, nim. interdum humidum cū salso illo terreo con-  
iunctum vel dissipatur, vel rursus in venas abit, manente sic-  
co terreo. *Conring. diss. de scorbut. th. 25.* Elevantur autem ut di-  
ctum, in facie: in qua interdum, ut & magna cervicis par-  
te exoritur ingens, & ad Elephantiasin accedens tumor subje-  
ctas carnes exulcerans, *M. Mart. th. 51. pedibus, ingvine, & glan-  
dulosis corporis partibus: Sennertus l. c. §. 57.* Non rarò tumores  
quasi natibus sibi invicem impositis annascuntur, vel quasi  
monticulis super alios assurgunt, qui nonnunquam mediis  
inter monticulos partibus, profundis exulcerationibus ero-  
duntur, & magno foetore exulcerantur. *Sennertus l. c. §. 59. M.*  
*Martini th. 289.* Tussis qua tamen nihil vel parum rejicitur,  
sicca ut plurimum; *M. Mart. th. 253.*

55. VARICES non solum in pedibus, sed & in inferiori  
labro, *Salom. Albertus diss. de scorbut. th. 93.* interdum & minu-



tissimæ venæ sub lingua varicibus simillimæ apparent, *Echtius de scorbuto, de signis* : quod & Elephantiacis obvenire tradit *Sennertus l.5. pr. pag. 102.* VERRUCÆ in ventre primum, dehinc in reliquo corpore copiosè erumpentes. *M. Martini th. 57.* VESICÆ toto corpore, & qualibet ejus parte extuberantes, quas Belgæ dat Boucswatter appellant: quod appareant cum totius corporis, maximè verò ventris & crurium inflatione *Eugalen. obs. 20.* Latinis etiam HYDROPS VESICALIS dicuntur. Illis potissimum erumpere solēt, qui victus ratione usi sunt minus crassa, humoresq; tenues & aquosos cum multis flatibus cumularunt: priusquam verò oriuntur, alia, atque alia pars momentaneo tumore & inflatione attollitur. *Eugalenus p. 155. Sennertus l.c. §. 59.* In initio enim serū elevat tantum cutim, tumoresq; excitat: postea sæpè recedens acrimonia sua eandem erodit, vesicæq; prodeunt: præcedunt etiā alia symptomata scorbuticis familiaria: ut frequens vomendi conatus, alvi dejectiones variæ: langvor sine causâ manifesta, & alia. *Idem p. 157. obs. 20.* VIGILIÆ *Sennert. l.c. §. 28.* ULCERA crurum sicca ferè & neq; pus, neq; saniem ex se effundentia: eosq; magis infestantia, qui temperamento bilioso sunt: maligna sunt, & interdum ita gangrænosa fiunt, ut ne quidem ferrum inflictum, vel admodum pyroticum sentiant. Imò ex tali ulcere crustoso sæpè mortificatio totius cruris advenit: nisi maturè crusta à reliquo ulcere separetur. *Senner. l.c. §. 60. Conring. diss. de scorbut. th. 22.* Cur sicca sint talia ulcera, patet ex superioribus: nim. cū quod aquosum in ichore vel dissipetur, vel in venas recedat, relicto salso terreo: tum quod sal ipsum quo abundat humor scorbuticus, exsiccet, ergo neq; pus concipiunt ulcera præ siccitate, quodq; calor non possit vincere, ac cōcoquere tam excellentem falsedinem. Perforantur autem partes corporis sicca tali exulceratione, non secus ac si majoris acidulæ capite vi carnes perforares, neq; pus, neq; saniem à se demittente. *Eugalen. p. 222.* Et primo quidem apparent maculæ, deinde summo pede ulcus, deniq; gangræna totius cruris sequitur. *Eugalen. pag. 172.* Quandoque & alias partes corporis ulcera hæc invadunt: sic idem *p. 176.* observavit ulcus scorbuticum, quod



quod cum tumore ingenti ad Elephantiasin accedere, præter dimidiam faciem, & magnam cervicis partem nasum, & labia occupabat: ut & lingvæ, palati, gargareonis exulcerationem, quæ partes illæ contabescebant, & dentes procidebant *obs. 62.* Interdum penis eroditur, dum nim. per ipsum unâ cum serosa sanguinis portione sanies emittitur, teneram ejus carnem corrumpens, atque membrum exulcerationi reddens obnoxium. *Id. p. 221. Senn. l. c. §. 60.* VOLARUM in manibus insolita rubedo cum dolore & impetigine pruriginosa: naturâ ferum effervescens eò protrudente. *M. Martin. thes. 45.* VOMITUS; adeò ut interdum humores, ut in cholera, supra & infra deiciantur, cum variis doloribus, & torminibus. *Eugal. p. 22.* Interdum tamen inanis tantum est vomendi conatus, quo vel nihil ejicitur, vel si quid ejiciatur, parum, aut non nisi aqueum quid est, *Idem obs. 43.* Et hoc fit ab humore salso & acri eò delapso, & ventriculum irritante ad subversionem: argumento est, quod lacticiuorum usu emendetur hæc nausea: *Conr. disp. desc. th. 31.* Recurrunt a vomitus per intervalla, ex nulla manifesta ventriculi affectione incipientes, adeò ut ægri antea, quemlibet cibum durissimum facile concoxerint, eumq; avidius comederint. *Eugalen. p. 23. Senn. l. c. §. 37. M. Mart. th. 66. & 254.* Miradum quoq; venit, id quod *Senner. l. 3. prax. pag. 520.* de hypochondriacis dicit, & ego in quodam scorbutico ipsemet observavi: ægros, licet sæpè statim post cibum, vel medicamentum sumtum evomant: nihil tamen de cibo vel potu vel medicamento reddunt, sed tantum vel aqueum, vel pituitosum, humorem. URINÆ tantum valent ad demonstrandum scorbutum, ut *Eugal. p. 32.* solam urinam in cognitionem ejus se deduxisse fateatur: non sunt a. unius generis, sed pro ægri corporis constitutione, & prout humor scorbuticus varias, subit mutationes, variæ: In initio quidem, & ubi levior humorum putredo, corruptelaq;: nunc tenues, & citrinæ; nunc crassæ, & albæ sunt: postea v. corruptione humorum aucta, claræ quidē sunt, verum intensæ, ad fuscumq; declinantis rubedinis: & cum splendore quodam instar lixivii claræ: quibuscum si nulla, aut exigui momēti sitis cōjuncta sit, quæq; putrefactionis notis in urina



apparentibus non respondeat, certissimū, ut sup. dictū, scorbuti indicium, imprimis ægris etiā hinc inde obambulantibus, & consveta munia obeuntibus: tales autem sunt urinæ, quando seorsim sal suum deponit malignitas scorbutica: frequenter tamen crassæ apparēt urinæ, rubræ, & vel turbidæ minguntur, vel statim turbantur, quæ aut tales permanēt, aut crassum, & rubrū sedimentū, quod farinam laterum refert, ad fundū deponunt, clarescuntq;: Sæpè etiā multa cruda, & pituitosa, excrementa supra istud sedimentū q. suspensa hærent, eidem tamē non permiscuntur, atq; ita totā urinæ partem superiorem turbidā reddunt. Et tales urinæ significant malignā effervescentiam, & perturbationē humorū: maximū etiam facultatū naturalium langvorē, homogenea ab heterogeneis sequestrare, eisq; dominari haud valentiū: Aliquando etiā crassa, & alba est, quæ statim conturbatur, & licet sæpè plura corpora, rotunda, & alba, arenarū instar, vel fractæ polentæ similia subsideant, quæ à fundo matulæ non nisi fortiore matulæ motu eleventur: clarior tamen urina non fit, sed turbida permanet, substantia sua crassa matulæ parietibus sæpè adhærens: & nec à catharticis, nec attenuantibus clarescit, & attenuatur, sed magis conturbatur. Scilicet rapitur simul in vesicam, quicquid crudioris latet saburræ, unde tam vario sedimento turbantur urinæ: Neq; enim fieri aliter potest, quin paulatim subsideat in mesenterio, colligaturq; tractu temporis salsarum arenarū copia: Possunt a. hæc arenæ diu latere: & tunc urinæ tenues: at ubi moventur, turbari urinam necesse est: & hæc caussa est, cur catharticorū, & attenuantiū usu non clarescāt scorbuticæ urinæ, sed magis magisq; cōturbentur. *Conring. diss. de scorb. th. 33.* Interdum tamē, quando urinæ tenues excernuntur, ægroti pessimè se habēt: subsequente v. postea turbida, melius: quod videl. humoribus valdè perturbatis, & fermentatis, partes crassiores & inutiles nondum separari queant: coctione v. seu fermentatione absoluta, crassū illud rejiciatur. Sabulosa ista materia interdū quidē à renū caliditate provenit: interdū tamē in venis sal hoc crassum sanguini cōmistū delirescere potest, quod postea continuò per urinā redditur sine ulla cal-



culi molestia. Eorum, qui negligentius vivere, vel curis anguntur, urinæ crassæ, nigræ, turbidæ, quæ vel tales permanēt, vel turbidum, ac nigrū sedimentū in fundum deponunt *Eug. p. 34. 35. 36.* Nigredo hæc est indicium corrupti salis sanguini committi: humores n. nigri nil aliud sunt quam sanguis & bilis corrupta. Frequenter etiam variant urinæ, & in agro eodem sine causa aliqua evidenti permutantur: hodiè turbidæ, ac crassæ, postridie aquæ & tenues; hinc rursus citrinæ, auræ, rubræ, aut crassæ redduntur: prout variè moventur, & ebulliunt, vel quiescunt humores. *Eugalenus obs. 49. 50. 54. 56. 57. 59. 63. 65.* Sæpè etiam sanorum similes sunt: Interdū foetidæ: *vide Sennertum §. 11. M. Martini th. 60.* Deniq; ex UTERO EFFLUXUS putridæ & putidæ materiæ fit. *Sennert. l. c. §. 5.*

56. Atqui hi sunt morbi, & symptomata, scorbuti comites ut plurimum, vel pedissequæ, quæ recensere volumus, quod profundè sint examinanda à quovis Medicorum, ut morbi indoles rectius, & maturius percipiatur, singulaq; ad curationem facientia præscribantur, ne gravioris mali mores induat: adeo enim exigua & neglecta sunt hujus morbi incunabula, tamq; lenti ipsius progressus, ut sic affecti parum à sanis absint, quæ negligenter habita vires eundo tantoperè acquirunt, ut non sine vitæ discrimine affligant ad longè pejora viam parantia.

57. Horum autem omnium unam esse causam posse, mirari desines si consideraveris. 1. Propriam & specificam humoris scorbutici malignitatem: idem enim videmus in aliis occultis morbis, ut peste, Lue Gallica 2. Naturam illius salis, qui modo in aqua seu fero liquefcit: modo iterum, præcipitur, & in tartareum lapidem concrefcit: modò etiam in infimo ventre subsistit, serosis humoribus per corpus distributis: idque fit in initio præcipuè: unde tunc nil nisi lassitudo, gravitas, difficilis respiratio, apparent: modo humoribus reliquis commiscetur: & tunc dolores excitantur: modo etiam plurimum, modò parum salis per mistum: 3. quā multæ etiam sint salium species in aprico est: hi cum variè etiam misceantur, multis itidem modis in corpore humano



corrumpantur, non mirum inde varia symptomatum genera oriri. 4. Et demum locorum in quibus commoratur humor scorbuticus, diversitatem. Quanquam libere etiam profiteamur, quandoque morbos hos non omnes dependere à scorbutico inquinamento, sed potius scorbutum cum iis coincidere, & concurrere, hocque vel in initio eorum, vel medio, vel declinatione, & fine fit: prout nimirum hoc vel illo tempore primum sese exserit, aut virus suum ostendit. *Eugalenus obs. 32.*

58. Itaque cum tam vario induatur schemate scorbutus, cautè & circumspèctè ei omnia agenda, qui se ad prognosticon instituendum accingit: neque una tantum, sed omnes regentes nostrum corpus facultates simul considerandæ, & inter se conferendæ: si quæ debilior aliquod mali præsignum ostendat, diligenter perpendendum & examinandum, num illi quoque reliquarum facultatum actiones consentiant. Sæpe enim ex morbi proprietate quædam nostræ facultates afficiuntur, unde non tam debilitas earum, quam morbi proprietas designatur. *Eugalenus pag. 314.* Desumi vero possunt *πρὸς γνῶσιν* signa 1. à morbi præsentis specie. 2. causis. 3. Symptomatibus.

59. SPECIEM MORBI quod concernit, scorbutus ratione nobilitatis, & necessitatis partium affectarum, est morbus magnus, cujus eventus est admodum periculosus, & dubius. In initio quidem facile expellitur, cum nim. vitium in humoribus tantum consistit, nulla prava aliqua dispositione visceribus impressa: tum enim sæpe sola victus ratio conveniens, aut aëris permutatio sufficiunt. Radices vero ubi egerit, diuturnum malum est, & accuratam, diligentemque requirit curationem, cum vix unquam radicitus extirpetur: & licet quandoque solenni evacuatione, vel alia de causa Symptomata demulceantur, perpetuo langvore tamen contabescunt ægri: quandoque aliis, atque aliis symptomatibus diu afflictii improvisò vita funguntur: sæpe etiam recurrit scorbutus, vel singulis annis, vel longiore intervallo, pro victus ratione, & aliis circumstantiis, nunc iisdem, nunc aliis constipatus sym.



**symptomatibus:** Virique cum eo saepe in annum nonum, decimum, vel plures: foeminae in vigesimum, vel plures vitam protrahunt. *Sennertus l. c. cap. 6. prop. 3.*

60. CAUSSARUM ratione habita, scorbutus in aliis regionibus magis minusve saevit, sicut in locis illis maritimis vehementiora ejus conspiciuntur symptomata, quam alibi. Est enim alibi Endemius: alibi sparsus, interdum etiam Epidemius. Endemius est iis in locis, ubi non solum victus ratione, sed & aëre, & aqua salsa utuntur incolae: Epidemius quando ex occasione interdum omnes aut plerique nutriuntur tali cibo, aut alioquin alias scorbutici humoris causas incurrunt: aut malignitas summum gradum corruptionis attingit, ita ut maxima vi per contagium inficiendi polleat: Sporadicus est alibi terrarum, ita ut nulla ferè terra sit, quae non suum aliquem scorbuticum habeat. *Vid. Conring, diss. de scorb. th. 31.*

61. Circa vernum, & autumnale tempus magis exacerbatur: hieme vero difficilis ejus curatio. *Eugalen. pag. 90.* Ii etiam qui in otio vivunt, magis scorbuto obnoxii sunt, quam qui laboribus exercentur: Viris foeminae: imprimis steriles, & quibus purgamenta mēstrua vel defectu naturae, aut diuturni moeroris perseverantia subistere, aut quae insufficienter à partu sunt expurgatae: Urbani, agricolis: periculosius quoque laborant scorbuto viri juvenibus, *Sennertus d. l. cap. 6. progn. 10.* Scorbutus hereditarius nunquam perfectè curatur: quibus enim patrus & inquilinus est, in iis, quò magis increbrescit, eò malignior ingravescendo evadit, adeò ut non rarò inevitabili pravitate in omnem vitam perduret. *M. Martini th. 92.* Febres tertianae, quae tempore verno incipiunt, & post septimum paroxysmum quotidie infestant, maxima ex parte sunt diuturnae, & tandem in scorbutum abeunt *Senn. l. c. cap. 8. §. 8.* sicut & quartanae non rarò scorbutum praecedunt, aut in ejusdem declinatione apparent. *Matth. Martini th. 110.*

62. Quoad SYMPTOMATA signa prognostica possunt esse vel ad salutem, vel ad mortem. Sic ex pulsu debili & valde



de langvido non statim mors prædicenda, cum non morbi lethalis, sed peculiari ratione cordi adversantis sit indicium. In quibus natura fortior morbi vehementiam evincit, hi manente morbi radice, nunquam satis confirmati, frequenter perpetuo langvore quasi contabescunt, aliis, atque aliis symptomatibus subinde infestati, donec vel in hydropem, vel atrophiam, vel aliud malum conjecti moriantur. *Eugal. p. 73.* præcipue verò in hydropem incidunt scorbutici, si sæpe catharticis fortioribus usi fuerint *Senn. l. c. cap. 6. prog. 6.* si respirationis difficultas, & pectoris angustia diutius durent, ægri sæpè syncope subito pereunt. *Eug. obs. 38.* Ulcera scorbuticorū aperta, quæ maculæ nigræ, & lividæ præcessere, difficulter sanantur, cum ab his totum corpus non rarò gangræna corripitur *Senn. l. c. §. 6.* Quibus tormina ventris, & circa umbilicum contorſiones continuæ adsunt, rarò evadūt, modò alia quoq; signa prava sese adjunxerint. *Senn. ib. pr. 11.* Si livor partē oris superiorem, & palati penitiora apprehenderit, lethale. *Senn. ib. p. 15.* In scorbuto jam inveterato lividæ maculæ in cruribus modò delitescentes, modò confertim erumpentes, mortis instantis indicium: Significant enim, ut Rulandus habet *de Lue Ungarica cap. 4. pag. 57. & 61.* malignitatem altius impressam, langvineam massam planè corruptam, & calore destitutam: dubiumque naturæ cum morbo conflictum. *Sennertus ibid. pr. 23.* verendumque, ne humor refluxu suo in partem impingat principem, in eoq; pedem figens exitium moliatur, *M. Mart. th. 100.* Maculæ hæ si in ulcera degeneraverint, tunc inducto stupore sensum partis obtundunt, ac penè abolent, *Salomon Albertus th. 161.*

63. Sudores frequentes in scorbuto semper ferè atrophiam sequitur. Etenim frequenti acris seri allisu intemperies corporis habitui calida & sicca inducitur, ut non possit nutrirī. Scorbutus in febribus exortus contagiosus est, & ut plurimum lethalis. Terminatur enim in perniciosam dysenteriam, adimitque hominem repentino animi deliquio. *Ioel. tom. 2. pr. l. 2. sect. 5. pag. 231.* Pueri stomacace crebrius, scelotypyrbe rarius laborant. Vomitus, & graves sursum, deorsumq;



excretionēs parum profunt ægris, sed potius ventris, intesti-  
norumque lancinationibus ægrotum conficiunt. *Eugalenus*  
*pag. 22.* Febres scorbuticæ non prius tolluntur, quam scor-  
buto contraitum fuerit. In febribus hujus morbi intermit-  
tentibus, quandoque convulsivi motus, carus, singulis paro-  
xysmorum initiis accidunt, qui tamen postea remittuntur.  
*Eugalen. pag. 66. & 67.* Febres continuæ scorbuticæ, si pur-  
gantibus initio fortioribus, aut crasso potu, aut medicami-  
num calidiorum usu exasperentur, & irritentur, plurimos  
subito deliquio, & suffocatione enecant, & extinguunt. Tu-  
mores œdematosi pedum in hoc affectu diuturniores sunt, &  
non sine negotio ob humorum à fonte caloris distantiam  
discutiuntur. Reliqua prognostica quivis facile ex iis, quæ  
de signis dicta sunt, eliget.

64. Nunc enim positis jam, quæ ad cognitionem  
morbi spectant, ad ipsam curationem progredimur. Cum  
verò tanta morborum ac symptomatum scorbuticorum  
multitudo, ac varietas sit, quæ morbi naturam induentia  
suam quævis curandi postulant rationem: patet tutissimam,  
commodissimamque sanandi viam esse, si causæ & dispositio  
illa maligna tollantur è medio, nec tam ad symptomata,  
quam ad fontem malorum omnium attendatur. Evenit sanè  
alioqui, quod Herculi olim Lernææ hydræ capita amputanti,  
quam unico in cor ictu confodere potuisset. *Conring. diss. de*  
*scorb. th. 53.* Quapropter cum scorbutus *Αἰσθητός* maligna  
quædam sit, & Cachexia ab humore crudo, falso, & peculiari  
modo corrupto profecta: humor verò ille partim externa-  
rum, partim internarum causarum interventu colligatur:  
principio quidem collectionis causæ removendæ sunt: id  
quod sit diætæ optimè instituta: de qua nos in fine: deinde  
quod collectum est humoris falsi, & vitiosi educendum &  
dispositio scorbutica visceribus, & toti corpori impressa per  
contraria specifica emendanda: quod si humor scorbuticus  
crassus sit, vel crudus, & crassis humoribus permixtus, illi  
ipsi præparandi, atque obstructions, si quæ sunt, aperiendæ:



Tandem symptomata scorbuto conjuncta, si urgeant, inhibenda: visceraq; labefactata, roboranda.

65. Indicationibus hisce satisfit. I. Ex FONTE CHIRURGICO: & quidem aptissimè, si vel ipsa natura HÆMORRHOIDES aperiat: vel arte eadem provocentur: non paucos enim novimus, ait *Ronsens de scorb. ep. 2.* quos profusio sanguinis ex hæmorrhoidibus ab hac sævissima lue præservavit: *vid. Conring. diss. de scorb. th. 56.*

66. Huc quoque referri posse videtur MENSIVM SUPPRESSORUM PROVOCATIO. Non tantum enim effluxiones istæ cavent, quo minus ex retentis mēsis cumuletur humor scorbuticus: verum etiam cum primis saburra infimi ventris per uterum non rarò evacuatur *Conring. diss. de sc. th. 56.*

67. Quod si hæmorrhoides commodè evacuari nequeant, & tamen corpus succiplenum sit, aut ex suppressa aliqua consveta evacuatione oppressio vel suffocatio formidabilis: aut præcordia intus vehementer æstuaverint: Venæsectio adhiberi potest; quam etsi per se non convenire rectè quidam arbitrentur: I. Quia simul id, quod sani superest, sanguinis subducitur corpori, quo tamen vita pariter, ac valetudo conservatur. 2. Si largè patiaris sanguinem fluere, fiet illud maximum malum, quod jam metuimus, ut naturæ corruant vires, quod si verò parum emittas, absque fructu fuerit, eò quod in profundis lateat iste humor imi ventris, inque reliquis partibus omnibus cacochymia inveniat. 3. Quod ne quidem si plenitudo affuerit, conferat: neque enim illam copiam esse à bono sanguine, sed à malo ob defectum boni. Mali autem sanguinis eductionem cum diminutione pauci boni instituere nemo prudens svalet, præsertim cum id longè commodius, citraque hanc queat noxam fieri. 4. Quod in hisce locis frigidioribus haud magnum aliquod ab ejusmodi plenitudine sit periculum, ut aliarum evacuationū temporanò possint exspectari. 5. Ab experientia: quod plurimi, attestantibus id Medicis, sanati sint scorbutici sine phlebotomia: imò largiorem sanguinis fluxum summo quibus.



busdam fuisse nocumento. 6. Quod Medici omnes in inveterato scorbuto dissuadeant venæ sectionem: tum demum verò Medici advocari primum soleant: nihilominus tamen in dictis casibus non video, cur non vena possit probè secari, sicuti alias in cæteris Cacochymiiis: quò parte quadam vitio- si sanguinis demta levetur corpus, ut reliquum possit facilius edomare, ac evincere: præsertim id monstrante natura, non solum in hæmorrhoidibus, mensibus: sed & per alias venas sanguinem quandoque in scorbuto effundente, ut per nares pedes &c. Non rarò etiam multum levaminis ex phleboto- mia perferunt scorbutici.

68. Secetur vena autem in cubito, seu Mediana, seu Basilica: sive in sinistra, sive dextra parte id fiat, parum inter- est: nisi quis rigorosè in verba Magistri jurans τὸ κατ' ἔξω ve- lit observare pro affectione viscerum: Rectè tamen *Conring. tract. de gener. sangvin. pag. 360.* dicit, seculi nostri observa- tionibus non convenire, humores in motu suo rectitudinem observare, sive secundum longitudinem, sive latitudinem: sed asseri ex hypothesibus falsis veteribus receptis de vasorum positu & ductibus. Non minus juvare creditur sæpè salvatel- læ sectio tam in manu, quam pede, hujus enim apertionem in scorbuto multum prodesse experientia sese didicisse, testa- tur *Forestus l. 20. obs. 11. Vide Conring. disp. de scorb. th. 55.* Ve- rum mihi quidem arrisere semper, quæ contra usum ex se- ctione salvatellæ egregiè disputat *Sennertus l. 2. de febr. cap. 20. pag. 303.* maximo etiam cum ægroti commodo scinditur vena malleoli tam externi, quam interni: Vena poplitis quamvis ob substratum nervum citra periculum non sece- tur, ut *Julius Caesar Claudinus de ingress. ad infirm. l. 2. cap. 4. pag. 121.* profert: eam tamen commendant quidam in cru- rum ulceribus scorbuticis: Et fortasse plus prodest crura- lium venarum sectio, quam brachii: cum humores hi sponte ob crassitiem deorsum ruant: venæ denique lingvæ, raninæ dictæ, in gingivarum exulcerationibus, scorbuto familia- ribus, jure finduntur.



69. Largiorem tamen sanguinis missionem morbus hic respuit, præstatq; repetita sectio, & in variis locis tentata: idque ter ad minimum, sed iteratis aliquot diebus, *Joel tom. 2. pr. pag. 232.* propterea quod scorbutus dominium præcipue in regionibus frigidis exerceat, ubi venti humidi, & frigidi perpetuò ferè nubila inducunt crassa, atque simul frequens crudarum, sublimiumque aquarum est usus: quæ corpora nostra plus satis refrigerant, ut propterea largiorem sanguinis missionem non ferant: Cum verò scorbutus & alias regiones non adeò frigidas invadat, Medicus, ut rectè Hippocrates monet, cujusque loci, ad quem accedit, victum, aërem, & aquas considerabit, & his curationem atque adeò venæsectionem attemperabit *Engalenus p. 151.*

70. Convenit verò maximè in initio, ante purgationem: quod si morbus jam totam massam sanguineam corrumperit, maculisque jam passim summa corporis, præsertim tibiarum obsita sint: venæsectio parum juvat, sed tum potius vel ad pharmaceutica progrediendum: vel ad ipsius vicarias *Cucurbitulas* natibus cruribus, ac suris affixas, confugiendum: eò quod & ipsæ sanguinem ex locis distantioribus affatim, proliciant. *Matth. Martini thes. 148. Conring. diss. de scorbut. 57.*

71. Possunt etiam *HIRUDINES* vel *Hæmorrhoidibus*, vel etiam interdum aliis locis, venis quoque majoribus applicari: Sic *SCARIFICATIO* crurum sine cucurbitulis convenit interdum in scorbuto: quando nimirum vel hydrops, vel tumores, vel ulcera antiqua, ut & gangræna, vel bubones eidem coñexa sunt. In his enim affectibus optimè convenire scribit *Claudinus de ingress. ad infirm. c. 6. p. 140.* Sic *Ronsæus de scorbut. c. 9.* valdè probat sanguinis effusionem in ulceribus diuturnis, & malignis, ex *Hippocrate lib. de ulceribus*, & *Aëtio terr. 4. serm. 2. c. 40.* *Sennertus* etiam *4. de febr. cap. 6.* valdè probat eam in bubonibus, & carbunculis pestilentialibus. Ratione gingivarum conveniunt quidem scarificationes in scapulis: ratione pedum, in cruribus.



72. CAUTERIA denique & FONTANELLE, si in principio morbi adhibeantur, non videntur incommoda: Cum excrementicios, & præcipuè serofos humores è corpore tollant, ac apparatus ad scorbutum suscipiendum demant: autoresq: svadeant, etiam tempore pestis ea applicanda esse. *Sennertus lib. de febr. 4. cap. 5. pag. 430. Bartholinus de cauteriis cap. 6. pag. 34.*

73. Chirurgica hæc cum non semper adhibere tutum sit, melius ad PHARMACEUTICA descendere: Ubi præmissio leniente quodam, methodus requirit, ut statim sal illud corruptum exturbemus, simulque malignam dispositionem visceribus impressam emendemus antiscorbuticis: quod si vero simul hypochondriorum obstructions à fixo illo sale, ibi hærente & impacto, vel aliis humoribus sali mistis adsint, autores jubent, quæ fœculentum illud colliquant, attenuent, & incidant, usurpare, ut sunt Radices aperientes, Scorzonæ, garyophyllat, helenium, cichoracea, & alia, quæ recensent *Sennertus l. c. cap. 7. Salomon Albertus th. 255. M. Martini th. 122. & alii, Eugalenus pag. 19. imprimis laudat species pliris archontici: Hartmannus prax. Chimiatr. pag. 214. Aquam philosophicam dictam, seu Tincturam ☿r. a. gr. j. ad ij. ad summum: Sic Sennertus lib. de scorb. cap. 7. pag. 155. & alii extollunt usum universalium illorum digestivorum, Cremoris ☿ri, ☿ri ☉lati: qui tamen lib. 3. prax. part. 3. cap. 3. humoribus salis, acerbis, atque acribus, qui quasi ignis seminaria in se continent, acria hujusmodi medicamenta ex tartaro non convenire scribit: cum eorum acrimoniam non retundant. *Mynsicht. pag. 25. laudat nitrum ☉latum.**

74. Aperientibus tamen solis non fidendum sed semper scorbutica addenda: aliàs enim parum proderunt. Si obstructionum nulla ad sint signa, quin potius sal scorbuticum toti massæ sanguineæ permistum, relictis illis preparantibus negotium totum solis specificis committendum. Per appropriata verò ea intelligimus, quæ vi peculiari qualitatem salis in corpore corrupti corrigunt, id ipsum per convenientes vias, puta per vesicam, & meatus seu poros corporis, sive




per sudorem, siue insensibilem transpirationem id fiat, deturbant: simulque dispositionem malignam corpori impressam emendant.

75. Qualia sunt: SIMPLICIA quidem: *Cochlearia*: siue cruda comedatur, siue cum saccharo in confervam redigatur: siue succus ejus exhibeatur: vel etiam aqua, & qui longè efficacior, spiritus (quem extollit *Sennertus l. 5. prax. part. 3. sect. 2. cap. 9. pag. 343*) inde destilletur. *Nasturcium* ejusq. species omnes, & imprimis aquaticum, quod & ab aliis *Sisymbrium Cardamines* vocatur. *Beccabunga*, seu *Anagallis aquatica*: quæ humida est, & minus calida, ideoque rectè additur superioribus ad infringendam eorum vibrantiorem facultatem igneam: præsertim si febris, vel calor p. n. scorbuto conjungatur. *Raphanus rusticanus*: *Chelidonium minus*: quod cum non in omnibus locis acrimonia præditum reperitur, in iis tantum contra hunc morbum valet, ubi acre est. *Sedi minoris aqua stillatica*, seu succus. *Nummularia*: *Sinapi*: quo nautæ sese muniunt. *Forestus l. 20. obs. 11. Eruca* & ejus semen contusum, in nodulo ligatum, & vino maceratum: *Trifolium aquaticum*: *Arum. Lepidium*: *Cortices radicis juglandis cum nasturcio cocta*. *Ronsæus* & nauticæ *Bata-vorum Ephemerides* narrant, multos solo *malorum citriorum*, & *aureorum* usu à vehementissimis scorbuticis affectibus liberatos. *Fructus chamæmori Norwegicæ* de quibus *Carolus Clusius in historia plantarum rarior. l. 1. c. 85. Sennertus l. c. cap. 7.* ex relatione *D. Dieterici* septentrionales quosdam *sanguine Rangiferorum* (genus quod est cervorum, descriptum ab *Apollino Menabeno*) calido cum commodo uti dicit. Sic terra rubra quadam prope *Bergas*, *Norwegiæ* emporium reperta commendatur.

76. COMPOSITORUM pleni sunt omnes, qui de scorbuto exstant, libri: præ cæteris in usu sunt *Decoctum absinthii vulgaris Sennertus l. c. cap. 7. Wieri* ex absinthio, & granis juniperi *Id. ibid.* EJUSDEM quo *Frisios* uti docet, ex vino, radice raphani agrestis, & stercore taurino, ac caprino, *Wierus de scorbuto. Decoctum simplex antiscorbuticum Joëlis tom.*



I. *prax. l. 2. sect. 5. pag. 234. Hartmannus prax. Chimiatic. pag. 214.* laudat decoctum radicis Chinæ pro potu ordinario, & pro vehiculo, quo alia specifica exhibeantur: item decoctum ligni sancti cum cochlearia. SYRUPUS scelotyrbicus Foresti, Cochleariæ compositus *D. Casparis Packischii Sennertus l. c. cap. 7.* Compositus *M. Martini th. 175. Wieri pro infantibus. Id de scorbuto, Syrupus Glatus Rosatus Mynsichts pag. 255.* Syrupus antiscorbuticus ejusdem *pag. 261.* AQUA scorbutica *Quercetan. pharmacop. cap. 7. Dorncreilii, Sennerti descriptæ l. c. c. 7. pag. 174. M. Martini th. 178. Horstii observ. tom. 1. l. 4. obs. 26. & 35. Mynsichts pag. 317..* Ex Succis composita sunt specificum *Quercetani in Dietetico: M. Martini ibid.* VINUM antiscorbuticum *Mynsichts pag. 363.* PULVIS quem *Sennertus l. c. cap. 7.* laudat ex Cinamomo, nucem moschata, sem. nasturcii, & croco. Pulvis *D. Birckmanni ex Quercetano l. 1. pharmac. cap. 20. Cōpositus M. Martini th. 181.* Pulveres duo *Brucei disp. de scorb. th. 27. & 28.* Antiscorbuticus probatissimus *Joëli tom. 1. prax. l. 2. sect. 5. pag. 234.* ESSENTIAS absinthii, cochleariæ fumaræ, aut Chamædryos ad gr. xv. plus minus, maximè commendat *Ronseus de scorbut. c. 8.* quarum etiam conficiendarum rationem tradit *ibidem,* ut & *Sennertus l. c. cap. 7.* Rectè tamen monet hic *Sennertus lib. de consens cap. 19. pag. 401.* Ex antiscorbuticis non probè parari Extracta. Cum enim omnis eorū vis in sale volatili consistat: in extractione sal ille volatilis cū spiritu vini, vel alio liquore sese unit, & cum eo separatur, relinquiturque corpus postea parū efficax: itaque rectissimè succus eorū, conserva, vel infusa exhibentur. EXTRACTA composita *M. Mart. th. 180. 195.* Extractum luniperinum *Eugaleni Id ibid.* Tinctura *Joannis VVerneri Id th. 196. Hartmannus prax. Chimiatic. pag. 214.* specifica nominat Elixir proprietatis Paracelsi: Tincturā Lun. tinctur. coralliorum veram: quam etiam extollit in scorbuto *Agricola tom. 2. commentar. in Poppium pag. 856.* ubi gloriatur, se ea sola cum tinctura  ri mista, in aq. cochlear. per 8. dies singulis diebus bis exhibita desperatam curasse scorbuticam. Tincturam Martis in scorbuto proficuum esse



esse dicit *Mynsicht. pag. 43.* ELECTUARIUM *M. Martini th. 179.*  
MISTURÆ ejusdem *th. 197. 198.* PILLULÆ *D. Pavii*, descri-  
ptæ, à *Neandro tabacolog. pag. 12.* Et alia, quæ omnia hic po-  
nere institutum non patitur.

77. Macerent autem sese hoc loco, quamdiu velint,  
qui omnem antiscorbuticorum vim à manifestis deducunt  
qualitatibus, & acria quidem ad scorbutici seri, utpote te-  
nuioris expulsionem commodissima esse arbitrantur, quod  
caliditatem insignem cum tenuitate partiū conjunctam ha-  
beant, atque ita humorem attenuent, discutiantque: quod si  
humori huic crassiora sint admista, non dissolvi ista acribus  
posse, sed amaris. Hinc magno esse in scorbutico usui, quæ  
cum acrimonia amaritiem habeant, aut acorem: ita enim &  
quæ crassiora sint, posse simul expelli, inque halitum digeri:  
qualia sunt absinthium, Cochlearia & alia. Acida vero con-  
venire eò quod incidant etiam: nec enim omni ex parte  
frigida esse, sed tantum respectu caloris nostri; tum quoque  
actu licet frigida sint, potentia tamen calere sumè: & expedi-  
re quidem scorbuticis, non tamen æquè ut acria & amara.  
Rationes, quas adducunt, cur non tota substantia agant, sunt  
1. Quod totis formis differant Antiscorbutica: 2. omnes  
fere plantæ acres ad hujus mali profligationem faciant. 3. Li-  
cet non omnia attenuantia scorbutico adversari videantur,  
non tamen hoc esse indicium virtutis occultæ: cum ipsa  
humorum receptacula per multum sint varia, sive locum, si-  
ve temperaturam videas: ideoque nec unam posse esse ratio-  
nem aperientium. Sanè præclare hæc omnia dicuntur, rem  
tamen totam non absolvunt: cum multa dentur acria, ut  
salium species, interdum sat volatiles, & tenuiū partium, quæ  
scorbutum tamen non tollunt. Itaque aliud quid esse con-  
vincitur, quo sal illud in antiscorbuticis differat à sale scor-  
butico: id cum hætenus evidenter exprimi non potuerit,  
merito ad occultum confugimus: facile etiam ad argumen-  
ta eorum responderetur forsitan: ad 1. Licet enim forma  
externa differant: possunt tamen convenire in qualitate,  
illa antiscorbutica. 2. Quod omnes ferè plantæ acres ad  
ma-



mali hujus profligationem conducant, id per accidens contingere potest: dum nim. humorem illum, in quo *μίασμα* scorbuticum hæret, attenuant, dissipantque, atq; ita scorbutum nondum altius visceribus impressum auferunt: præ cæteris tam. en antiscorbutica valent: sicut in lue venerea, & peste multa quandoq; prosunt, & malum inveteratum subigunt; quæ tamen huic morbo directè non adversantur. 3. Verum quidem est, hoc vel illud medicamentum modò huic, modò alteri parti prodesse: Videmus tamē, quæ ab omnibus veteribus appropriata alicui visceri creduntur, si, viscere quodam scorbutico infestato, usurpentur, parum prodesse: contra verò antiscorbutica dispositionem illam scorbuticā, in quocunq; etiam viscere detineatur, extirpare: sicut in lue venereā, & peste accidit. Licet igitur acrimonia, tenuitas partium ignea multum præstet in hoc, tamen non deroganda est antiscorbuticis peculiaris sua vis his omnibus juncta: Dantur enim quædam non omninò acida, aut acria, scorbutum nihilominus profligantia, ut terra illa rubra propè Bergas: Fructus chamæmori Norwegicæ: Et quare lac & poma aurantia scorbutū hostes, quæ tamen insigni calore destituta?

78. Rectius ii faciunt, qui vim antiscorbuticorum in sale volatili, quo abundant, ponunt: Etsi enim supra dictum, à salitis scorbutum induci: longè tamē alia salis fixi est operatio (qualis est in carnibus, & piscibus fumo induratis) quam volatilis, qualis est in cochlearia & aliis, ut *Sennertus* habet. *lib. de consensu cap. 11. pag. 214.* Imò etsi concedatur, sal scorbuticum esse etiam volatile quandoq;, Unum tamen sal alteri esse adversum, & ejus acrimoniam tollere, multa alia docent: sic vis rodendi, & aciditas in spiritu Oli aufertur per oleum Fri per deliquium factum, seu sal Fri. Idem fit sale absinthii, vel alio è plantis parato misto. Ita vim corrosivam Fri tollit idem oleum Fri, & sal absinthii: quod planum fit in præparatione bezoartici mineralis: butyrū Fri magnā acrimoniam habet: eandem etiam possidet spiritus nitri: mista tamen invicem omnem deponunt acrimoniam. *Sennertus l. c. pag. 266.* Quemadmodum igitur non potest explanari, qua ratio-



tionē hęc sibi adversentur: eodem modo & de antiscorbuticis verum est, peculiari quadam & occulta vi scorbutici humoris acrimoniam infringere.

79. Vitiosa hęc scorbutici humoris qualitatē, & acrimoniam maximam partem per antiscorbutica sublata: cum nihilominus ille ipse corpori alendo aptus non sit, expellendus est: quod variis modis fieri potest: An PURGATIONE PER ALVUM exturbari debeat; dubium est apud Autores: Et quidem si in principio omissis antiscorbuticis, instituatür catharsis, noxia est, plurimaq; mala excitans: imprimis anxietates circa præcordia augeat: multi quoque assiduis purgationibus usi in scorbutico vel ad perfectam devoluti sunt membrorum impotentiam: vel in hydropicum tumorem lapsi, ut *M. Martini tb. 121. & 154. 155.* habet ex *Eugaleno*. Purgantium enim præsertim validiorum usu humor scorbuticus conturbatur: lacessitus fermentatur, & incandescit, flatusque procreat, qui præcordia distendunt: imò cum morbus hic sit ex dispositione occultâ, melius videtur auferri solis discutientibus, & sudoriferis, quam purgantibus: sicut idem fit in peste, & aliis morbis occultis: plurimique citra purgantium usum convalescere, antiscorbuticis usi cum incidentibus & attenuantibus missis: *M. Martini tb. 163.* Huc collimasse videtur *Rhases*, qui in locis maritimis Medicinam fecit, dum dicit, frequentes super urinis rubris purgationes lethales esse: tales enim in scorbutico sæpe apparent. *Eugalenus obs. 9.* Illud tamen falsum est, quod quidam proferunt, non prius usurpanda esse purgantia, quam Medicus animadverterit, humores crassos simul admistos esse scorbutico: aliàs si hic ipse saltem sit tenuis, purgantium ductum non promptè sequi: sed motum in alias partes potius irruere: Si enim quis attendat, quales plerumq; à purgantibus auferantur humores, inveniet eos serosos & tenues: ita ut Medici quidam planè sibi persuadeant: purgantia colliquare, & in serum convertere humores: tantum igitur abest, quò eludant ductum purgantium tenues humores, ut humores crassi rarò nisi sero conjuncti sequantur. Quamvis ergo interdum purgantium usu supersedere possimus, ne-



cessaria tamen interdum sunt, & nil absque iis dignum præstamus in debellando humore scorbutico: natura ipsa etiam quandoque in infimum ventrem expurgamenta totius corporis deponit, & sponte sua magis ad alvum fertur humor scorbuticus, quam ad vesicam: nonnunquam separat humorem hunc, & aquosiora quidem aliò feruntur, crassiora remanent in primis viis, quæ tum commodissimè per cathartica ejiciuntur. Illa tamen non sint valida: *Hartmannus præf. Chymiatr. pag. 214.* maximè laudat Antimoniata: Mercurium condemnat. 1. quod ad superiora ascendat, adeoque fluxiones augeat, unde symptomata invalescant. 2. non expediat hic obstructions, quemadmodum in lue venerea. *Conringius* tamen *diff. de scorb. th. 61. & 62.* cum omnia validè purgantia: tum quoque antimoniata rejicit *Mynsicht pag. 112.* laudat species diatartari. Claretum absinthiacum: *pag. 354.* Claretum rhabbaratum *p. 355.* Decoctum spleneticum *pag. 387.* Decoctum violatum purgans. 401 Alia vide alibi apud autores.

80. Cum verò non rarò primæ viæ, imprimis ventriculus purgentur per vomitum, si materia eò inclinet, nec adeò tenax sit, non adeò incommodum erit, si natura Vomitorio exhibito adjuvetur. *Ronsseus de scorb. cap. 8.* in quem finem exhibet *Mynsicht pag. 13.* Crocum metallorum absinthiacum: aliàs vomitoria nocent in scorbuto: quod humor iste commotus ab iisdem, & effervescens angustias præcordiorum excitet, idemque malum eveniat, quod *Eugalenus* usum purgantium sequi dicit. *vid. Conring. diff. de scorb. th. 58.*

81. Plus proficitur Diureticis. Sal enim cum sero plerumque conjunctum: serum verò promptè ad renes vergit: unde videmus quantum excrementorum urinæ scorbuticorum sæpè vehant: imò hoc unicum signum est, antiscorbutica munere suo probè fungi, quâdo urina antea clara, turbida ab eorum usu redditur: ex quibus patet, antiscorbutica simul vim diureticam obtinere: quibus etiam alia vi renes purgandi prædita admisceri possunt: Commendat hic *Agricola commentar. in Poppium tom. I. tract. de Olo pag. 361.* aquam suam compositam diureticam, reliqua vide apud *Sennertum l. c. cap. 7.* *Sal. Albertum th. 227. ad 228.* *M. Martini th. 170.*



82. Referrî huc possunt *ACIDULÆ*, præsertim ferratæ : nam & hæc sal scorbuticū evacuant & abluunt per vesicam, atque omnes excretionum vias, imò ipsa viscera, totumq; corpus astrictiorâ amicâ facultate corroborant. Modum hæc ipsas in hoc morbo usurpandi describit Horstius *Obs. tom. I. lib. 4. obs. 35.* Si harum potestas non datur : Chalybs præparatus, & crocus Martis aperiens : aqua item, in qua ferrum candens sapius extinctum sit, earum vicem suppleant *Sennert. l. c. cap. 7.* Ob ferri naturam calidam, & siccam, quâ scorbuticum hoc serum imbibit, ac è corpore exiens secum unâ educit.

83. Inter omnia verò, quæ materiam scorbuticam expellunt, facilè familiam ducunt *SUDORIFERA*, & *DIAPHORETICA* : qualia fermè sunt illa antiscorbutica ; unde sæpè iisdè solis malignitas hæc expulsa : Ubi igitur vires constant, plurimum conducit ægotantem in balneum sudoriferum deducere : exhibito antea hydrotico cum antiscorbuticis misto : & post mediocrem desudationem herbis emollientibus, & scorbuto adversis totum corpus fricare, & abluere : Si quid balnea prohibeat, æger in lecto sudet, adsumto hydrotico : Laudat hietanquam in signe diaphoreticum Bezoarticum suū Ioviale Mynsicht *pag. 12. Et pag. 229* Theriacam Saxonicam, *pag. 338.* liquorem diaphoreticum.

84. Antiscorbutica igitur ejus sunt efficacix, ut non solum salis scorbutici malignitatem infringant : simulq; serum salis hujus vehiculum una cum sale ipso discutiant ; sed & si quod vitium visceribus impressum est, emendent. Hinc luis ipsius pravitate sublata rarò vestigia relinquuntur pristinæ malitiæ : cum tamen passim obvium sit, humorem hunc malignum, diuturniore mora, ac obsidione pleraque viscera concoctionis mirum in modum labefactare : & quidem ventriculum : ut chylum corrumpat modò in aqueum, modò in pituitosum, acidum, acetbum, ponticum nidorosum & acrem succum : Epar, quò non rectè separet bilem à sanguine : Cor postmodum, ut sanguificationi non indulgeat, & sanguinem vitiosum generet : idcirco videndum, quæ pars potissimum affecta sit, cui postmodum pro ratione recessus à naturali sta-



tu succurrendum tam externis, quam internis: quibus si aliquid de Antiscorbuticis addideris, non peccabis. Videatur hac de re Sennertus *l.c. cap. 8.* Salom. Albertus *th. 294. & seqq.* M. Martini *th. 201. & seqq.*

85. SYMPTOMATA scorbuto conjuncta quod attinet, illa quidem dum legitima curatio principalis morbi instituitur, facile plerunque evanescere consuevere: interdum tamen rationem *ἑπὶ τῶν* sustinent, novorumque morborum causæ existunt, ac propterea curationem ad se trahunt: & tunc talia remedia adhibenda, quæ morbos istos tollunt, quibus tamen semper antiscorbutica admiscenda, & quidem cum ratione, ut nunc horum nunc illorum plus sumamus, prout magis vel scorbutus, vel morbi scorbuto connexi prævalent: curationem eorundem ex scriptoribus petere licet.

86. Nos potius ea, quæ ex FONTE DIÆTETICO hauriri queunt, brevissimè adducemus. Cum enim medicaminum, morbum non curantium usu, & exhibitione vires frangantur valdè, & debilitentur: Scorbutus verò, sæpè ut dictum, adeò lateat, ut & oculatissimum quenq; subterfugiat. Medicum: optimo, tutissimūq; judicatur modus curationis, victus ratio in morbis his ignotis *Eugalen. p. 60.* imò supervacaneum est, medicamenta iis præscribere, qui rectam victus rationem tenere nequeunt, teste *Galeno*: Consistit autem hæc in sex rerum non naturalium commoda administratione.

87. AER ergo sit calidus, moderatè siccus, tenuis, purus, patens, & liber: quo si frui non conceditur, paretur arte; contrariis qualitatibus inquinatus, imprimis multis salinis vaporibus replētus, qualis est locorum maritimorum, vitetur: CIBI vitentur, quos supra causam scorbuti fieri possè diximus, & eligantur in substantiæ, qualitatū ac copię modo mediocres: imprimis verò contrarii causæ morbum committenti: juscūla nim. carnis bubulæ, & gallinarum, animalium carnes, & pisces facilis concoctionis: cum quibus etiam conjungi potest *ἡ μὲν*, esus acriū ciborum, ut porri, nasturcii, erucæ, sinapi, raphani agrestis, & aliorum: vel ut condimenta vel ut embammata usurpatorum: Uvæ passæ



conveniunt itidem : Poma aurantia : acetum & acida, præter  
quā illa quæ supra peculiari ratione scorbuto adversari dixi-  
mus, fugiēda ; nisi interdū condire cibos libeat : Caussa : Scor-  
buticū n. sal ab aceto admisto ebullit, atq; ut Hippocrates lo-  
quitur, *πετερίζεται, & ζυμίζεται*. Dulcium & sacchari usus sit  
parcior : Columbas Langius *ep. 14. lib. 2.* ita cōmendat, ut scor-  
buticos malè incedentes ad columbaria ableget. Potus sit  
vinum bonum, & sassafratum, vel cochlearia conditum : Ce-  
revisia tenuior, benè defœcata, & lupulo satis condita : absin-  
thio, chamædrye, vel aliis antiscorbuticis medicata : Lactē  
caprinum, vel in ejus defectu, vaccinū recens, in quo decocta  
fuerint antiscorbutica : huic enim præ cæteris eximia adverso  
scorbutum, & prærogativa quædam dos est, ita ut quocunq;  
morbi tempore exhiberi possit, eò quod alvū moderatè sub-  
ducat, neq; inflat hypochondria, neq; trāsitus per arctissimos  
vasculorū fines intercludat, humorūq; scorbuticorū acrim-  
oniam obtundat. *Sal. Albert. diss. 2. de scorb. th. 40.* imò tan-  
tus lactis usus est in scorbuto, ut Eugalenus *pag. 62.* quosdam  
recenseat, qui ab eodem melius sese habuerint in febribus (cū  
tamen aliàs in his ipsis rejiciatur ab omnibus Medicis) quam  
qui ex Medicorum præscripto vixerant. Huic affine est serum  
lactis caprilli : agrestes enim *Batavi ac Frisii* à patrio scorbuto,  
quotidiano feri vaccini potu, sese muniunt & liberant. Ratio  
est, quia serum humiditate sua solvit ea, quæ salsa sunt : nitro-  
sa verò, quæ præditum est facultate, abstergit cuncta parieti-  
bus venarum adhærentia. *vid. Conring diss. de scorb. th. 60.*

88. Corpus etiam moderatè exerceatur : quies enim,  
& otium morbū hunc potius caussant. Habenda tamen ratio  
febriū in exercitiis : ne forsan augeantur nimiū, si usu lōgius  
processerint illa. Somnus & vigiliæ sint moderatæ : somno  
meridiano ei, qui aletus est, non adeò rigidè interdendum  
est. Evacuationes consuetæ non supprimantur : Ex animi af-  
fectibus præter gaudium, nulli convenire videntur. Tristitia,  
& mœror absint : reliqui haud sint turbidi, & concitati, quip-  
pe sangvificationem, ut supra dictum, lædentes. Hæc suffi-  
ciant de scorbuto.



**T**U verò cui vile dedit cognomen avenæ  
Stramen, at Hippocrates nobile fecit idem.  
Aus de morbo proponere lemmata doctæ,  
Illaq; suppositis multiplicare typis.  
De morbo, cujus neg; vim neg; nomen avitum  
Vel Latium novit, Græcus, Arabsvè tenet.  
Scorbutum dicis, dirum mortalibus omen :  
Nomina si rebus convenienter eunt.  
Scilicet extrema mundus qui fece laborat,  
Virtutis profert semina nulla nova.  
Sed vitij segetem, & sceleris protrudit abundè  
Hincq; sibi morbos & creat omne malum.  
Hinc quoq; Scorbutum nasci reor ipsemet atrum,  
Vindicias Nemesei distribuyente suas.  
Tu medicas adhibeto manus, bona pharmaca membris  
Apponens, animas sanet at ipse DEUS.

Clarissimo Viro rerumq; medicarum,  
peritissimo, & Doctorando dignissimo,  
suo Convictori, amoris & honoris ergò  
deproperabat

Johan. Major D.

---

**A**MBIT HONOS VIRTUTEM. Huic tempora civica quercus  
cingit, & obsessis graminis herba locis :  
Huic murale decus, valliq; insigne reclusi,  
rostraq; devictis aurea navigiis.  
Quæ vero HABERSTROHE, tuum, celeberrime mystæ,  
artis Apollineæ, digna corona caput  
ambiet? à teneris Musarum castra sequutus,  
haud unâ clarus gymnade victor ovas.  
Doctæ TIBI MENS est; comes est PRUDENTIA: VIRTUS  
intemerata tuis emicat ex oculis.  
TE CHARIS ingenuis decoravit moribus: altâ  
indole & eloquio floridiore nites.  
TE COMES Illustris veneratur: consiliorum  
esse bonum eventum prospera fata jubent.



*Publica nunc etiam conscendis pulpita faustis  
auspiciis, morbo deq; gravi loqueris,  
in lucemq; edisseris, arrosos sapere ungues  
quæ possunt dici. PRÆMIA non deerunt.*

*SURGIT HONOS: VIRTUTEM AMBIT: tua tempora LAURUS  
cinget, quam facili porgit Apollo manu.*

*HIC TIBI crescat HONOS: viridans hæc LAUREA crescat,  
immarcescibili flore at usq; Coma.*

### JACOBE HABERSTROH

Per illustres Comitum in Stolberg & Wernigeroda, ut & hujus bis Medice, Physice ordinarie, accipias ab hac benevolâ manu tesseram favoris, quo te à primis studiorum tuorum primordiis prosequor. SOLUS in familiâ arti nostræ TE consecrasti, eôq; nomine majori honore dignus. Aspiret conatibus tuis Hygiæa, ut ANTONI VARI, AVI, Medici per quinquaginta annos in hac Universitate Antecessoris nobilissimi, famigeratissimi, in obscuris indagandis acumen: parentisq;, Practici & υδρ εν α γιος celebratissimi, Comitum Personæ Medici nobilissimi, in medendo felicitatem & celebritatem assequaris.

GVERNERUS ROLFINCK, Hamburg. Phil. Med. D.  
Pract. & Chim. Prof. Facult. Senior.

---

#### *Errata benevolus Lector sic corrigeret.*

Pag. lin. 27. pro sit, lege, esset. p. 3. l. 14. Ileos, Ilei. lin. 18. deleatur: voce. pag. 4. lin. 24. lege, apparent. pag. 6. l. 33. dele, etiam. p. 7. l. 31. sic lege: neq; urina. Nec semper puto sal hoc. p. 8. l. 8. quartanas. p. 12. l. 12. adde: non ita. l. 15. pro sele: lege, sero. l. 18. lege, ex sanguinis, &. p. 13. l. 25. pro Etenim l. Verum. p. 15. l. 14. l. imitaretur: haberetur. p. 16. l. 17. Sufis. p. 17 l. 21. diffuere. p. 19. l. 30. pro &, l. nec, l. 31. præparentur: ib. possint. p. 20 l. 30. incoctile. p. 23. lin. 1. laborâris. lin. 11. lege, ubi hominem lento. p. 24 l. 1. dele: à se. lin. 6. & ad nullum veterum morbum, p. 27 l. 6. ebullitione. lin. 17. lege th. 14. p. 35 l. 29. pro valde, lege vehementer. p. 37. l. 2. exprimant. l. 16. priores: peiores. l. 34. foetior, foetor. p. 41. l. 7. uclera: ulcera. p. 43. l. 7. crurium: crurum. p. 51. l. 26. enim, etiam. l. 29. præcipitatur. p. 52. l. 34. fuuguntur: defunguntur. p. 54. l. 34. adimic: interimit, p. 59. l. 17. delenii. p. 6. l. 23. Apollonio.

F I N I S.